

0cm 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25

浙江圖書館





浙江圖書館



浙江圖書館

皇明名臣琬琰錄卷之十九




浙江圖書館



皇明名臣琬琰錄卷之十九

大學士文穆胡公



楊文貞公士奇

太宗皇帝御天下二十有三年文武之臣各展其才能  
達諸事功若竭誠效力始終不渝者其身雖沒所以  
寵眷之率有進而不衰其文臣遭遇之盛者文淵閣  
大學士胡公尤著者也公初以進士第一為翰林脩  
撰階承直郎又明年

太宗皇帝入正大統

仍兼侍讀四年進翰林

李士兼左春坊

李士階奉

政大夫

樂二年陞右春坊右庶子階奉議大夫進文淵閣大

學士仍兼左春坊大學士又三年得疾且劇

上數命大醫集眾醫之良者徃視日遣中使問疾既卒

上悼歎不已命工部具棺禮部賜祭者再贈資善大夫

禮部尚書謚文穆國朝文臣有謚自太子少師姚公  
廣孝與公始也又命官給舟還其喪命有司治祠墳  
時

仁宗皇帝監國南京公之喪過烏遣官臨祭賜賻甚厚  
葬畢其子入謝官其長子種為翰林檢討

仁宗既嗣位追念公舊人加贈榮祿大夫少師禮部尚  
書遣官諭祭且厚賜其家公遭逢

二聖恩備始終何其愈久而愈盛也公居官敬慎在  
上前承顧問應對必盡誠必據理而忠厚為本未嘗及  
人過失事於奉旨制勅視草即有所見必具可否以  
聞多見采納所撰進文字

上知出公筆輒稱善所奏對語及所治幾務退未嘗出  
口雖親厚不敢私涉有問蓋自守之嚴有素事

太宗皇帝十有七年凡巡幸北京親征北虜翰林率公

口雖親厚不敢私涉有問蓋自守之嚴有素事

太宗皇帝十有七年凡巡幸北京親征北虜翰林率公

與楊公勉仁金公幼孜在扈從信任甚篤禮部郎中

周訥建請封禪群臣亦多言此太平盛事

上皆不聽時獨公之言與

館

上意合既退作却封禪頌奏之丁母憂召還

上問百姓安否對曰安但郡縣寔治姦惡外親為民厲

遽詔罷之其兼春坊也上恩盡誠多所裨益故尤為

儲君所厚而沈靜謙約以滿為戒未嘗干人以私人

亦未嘗以私干之兩考京畿鄉試四為廷試讀卷鑑

別公明奉勅脩

析

高皇帝實錄及五經四書性理大全書皆為總裁志於

扶植名教獎掖善類果於義事於利不苟取與未嘗

一比匪人所與交必輔之於善不善去之不復顧小

人有不誦公者屢造言毀之賴

上深知之不聽遽黜毀者而公自執愈堅意度蕭散雖身  
處榮祿未嘗一日忘山林幽澹閒遠之趣公退閉戶  
讀書賦詩而已初名廣廷試傳胥更名靖永樂初  
復舊名其字光大其齋居名晃庵因以為號公十數  
歲喪父已有志問孝內浸漬其母訓外則日受從祖  
子貞先生之教故德器不凡居家篤倫誼處鄉曲恂  
恂執恭讓既冠簿遊閩中閩之前輩君子率忘年與  
交歸而從黃伯器先生講論得所歸宿之地而日進  
焉其孝博究經史百氏下逮醫卜老釋之說亦皆旁  
通而用志性命道德之旨晚益有造詣為文援筆立  
就頃刻千百言沛然行雲流水之勢賦詩取適其性  
情近體得盛唐之趣工書法行草之妙獨步當世四

方重其文翰求者日接踵戶雖無厭倦意然非其人



情近體得盛唐之趣工書法行草之妙獨步當世四

方重其文翰求者日接踵戶雖無厭倦意然非其人  
不苟予其卒以永樂戊戌五月八日春秋四十有九  
其先自金陵徙廬陵宋忠簡公銓其十二世祖也魯  
祖昂亨祖弥高父子祺累官延平知府母吳元進士  
永豐縣丞師尹之子永樂中贈公父翰林季士封母  
太宜人公娶夏初封宜人洪熙初進封夫人子男三  
長即種次穆次穗孫男六所著文章有是庵集扈從  
集若干卷公與士奇同郡同官知最深未卒前二年  
有後死則銘之約既卒其孤又奉臨終之命索文刻  
墓石嗚呼士奇先公生五年豈謂竟銘公墓哉蓋今  
九年乃克成之銘曰經國所資文武并施維武以靖  
維文以治魏

太宗統御九有任武暨文如左右于公職詞垣十有九

禋秉恭執勤司

帝之制玉冊金簡天章龍文光華日星敷宣

帝仁萬幾燕閑清問前席公所入告惟

帝時擇公所蓄志寬惠被下沕穆泥烏密贊鴻化春宮

輔德平直之行

二聖惟明燭鑒公誠好文之朝儒林之首人聳其瞻公  
視無有泊虛之存簡肅之度彼其何心有好有惡仲  
尼有言善者好之善有好公沒思不衰寵章駢蕃毋負終  
猶始：終之全曠代其幾金螺在左文川在右埋壁  
有光上貫牛斗墓道之碣為尋有多最行琢辭來者  
是儀

少保忠靖夏公神道碑銘 原吉

同前

公姓夏氏諱原吉字維詰其先家于饒州曾祖復祖

希政元末為湖廣行省都事兵亂死之考時敏為湘

希政元末為湖廣行省都事兵亂死之考時敏為湘  
陰縣儒學教諭遂家相陰公自幼端厚好孝年十三  
教諭公歿益知自勵母夫人廖守節教子公終天喪  
即出教里塾取束脩以資養而率其二弟恭侍婉愉  
得母夫人懽心出入鄉閭其老長皆忘年賓禮之時  
已負鉅人度喜怒不形里少年嘗被酒侮慢公里人  
共擊之詈之曰汝小人不知鄉有君子耶有鬼物白  
晝附人言禍福驚動里中或強公往觀卒無所言他日  
復有言或問之故曰夏公端人也吾不可以近公一  
無所動心洪武庚午歲以詩經選鄉貢入太學遂擢  
戶部前四川部主事授承直郎進承德郎曹務叢性  
凡倉庫府帑之出入簡牘之著悉有條理同官後至  
於事有未通者咸以質公日環左右公雖紛冗必為

之盡心蓋人人德公如師陞戶部右侍郎授嘉議大夫巡撫福建所過群邑考察吏治咨訪民隱公明寬大人咸悅服

太宗皇帝入正大統轉左侍郎逾月陞戶部尚書授資

善大夫永樂初蘇松諸郡大水命公往治發浙西兵

民十數萬疏決壅滯自松江黃浦東北以達于海水

患乃息而撫恤曲當人不言勞又撫綏飢民奏發廩

三十餘萬石賑之散給有方民賴以濟進資政大夫

初建北京採宮殿材於東南命公自南京抵北京督

視運送給以錦衣衛官校且命有不率命便宜行事

公於號令中備矜恤之意人人效用

太宗巡狩北京公預扈從命兼行在禮部都察院事歲

餘車駕親征北虜

餘車駕親征北虜

今上以皇嫡長孫留守北京命公輔導庶事備舉京師

肅然

太宗還良喜賜公鈔千緡綵幣四表裏羊酒鞍馬自是

屢奉命侍

今上有司奏公與吏部尚書蹇公歷官九載皆賜勅嘉

獎有淳良篤實如古名臣之諭

太宗親宴之別殿無幾賜詔命追封祖考皆為資政大

夫戶部尚書祖妣為夫人封母為太夫人重脩

太宗皇帝實錄命公監脩書成賜鈔織金文綺衣文綺表

裏北京宮殿成奉勅召

仁宗皇帝及

今上于南京

二聖喜公至賜宴勞及鈔白金鞍馬北虜復犯邊

浙

館

太宗皇帝將親征公言今邊儲不足請遣將無煩出師  
忤旨罷官

仁宗皇帝嗣位即日復公戶部尚書公以母喪未終辭  
仁宗曰國家不幸有大事正朕與卿等協心比力之時  
如卿以親喪辭則朕亦未當在公乃不敢復言遂  
加少保仍兼戶部尚書賜玉帶

今上正位東宮加公兼太子少傅少保尚書二職如故  
賜誥命追封曾祖考皆為榮祿大夫少保兼太子  
少傅戶部尚書曾祖妣祖妣皆一品夫人賜銀章  
一其文曰繩愆糾繆且諭公曰朕有過幸卿但具奏  
來以此識之朕不難於從善賜鈔萬緡御用米二十  
石胡椒二百斤公感知遇之厚鞠躬小心靡或不盡備  
太宗皇帝實錄命公監脩

仁宗皇帝崩時

今上監國南京至則喪禮及即位之儀皆具皆公一人所預定

上既嗣大位公以舊輔尤重倚注公亦孜孜惟謹罷廢

日盛脩

仁宗皇帝實錄仍為監脩庶人高熈反

上親率六師擒之公預扈從還賜白金文綺等物甚厚

賜銀圖書一其文曰含弘貞靜蓋褒公之德云明年

扈從巡邊既還

上念少師蹇公及公等四人者皆春煠高欲優逸之賜

勅嘉勞命輟戰務而仍其祿朝夕侍

上備顧問謀議而恩遇益厚兩朝實錄成賜白金織金

羅衣文綺表裏鞍馬賜宴明旦入謝暮歸第得疾遂

薨宣德五年正月二十七日也壽六十有五歲

上聞訃震悼遣禮部尚書胡濙賜祭贈特進光祿大夫  
太師謚忠靖賻鈔萬緡初有司營葬官其子瑄為尚  
寶司丞仍復其家朝臣自公侯貴戚下至即曹將校  
咸往吊祭衛卒巷氓亦有嘆息至流涕者公天性至  
孝友其弟原啓原禮皆厚原啓沒愛其子如子讀書  
鄉校時教諭史九韶雖非授業師遇之必拜雖貴不  
變既貴九韶陞教國子月恒分之祿九韶將老朝廷  
從公請命致仕公與人交久而敬平生在患難  
卒賙給之遇士之貧者振之有顛躓失所者援之德  
雖微必報而未嘗存怨惡心接人溫然處事善長  
而惡短襟宇靜深閑廓不見涯溪嘗有從隸污公  
金織賜衣惧歛者公曰污可浣何惧為有吏壞

公所寶硯石匿不敢見公召吏諭之曰物皆有壞吾



公所寶硯石匿不敢見公召吏論之曰物皆有壞吾未嘗惜此慰遣之於時卿大夫雅量推公第一知者蓋比公於王子明韓穉圭之度其在

上前所言必歸仁厚臨政必酌大体其預宥家雖泯然無跡蓋有陰受其德者矣故不問貴賤疏戚識不識皆知其為善人長者喜為詩四方士重公名得其一篇一詠藏以為榮公配鄭氏再封皆夫人子男三珣瑄瑾公卒之三月歸塋相陰其家以墓碑屬予予與公同朝三十年晚益親厚相知又嘗為予道平生余豈意遂志公之墓耶銘曰汴憂厥初以國為民衍于會稽綿々厥系太末之邑後來徙居暨唐中和復徙于番懿夏之世逢掖其服詩書有承德善有續轉鄂而潭自公祖考積厚必發公奮起紹熙歌鹿鳴來與

計偕官任其賢故用其才錄司徒屬暨掌邦教寅恭  
小心寬仁允蹈叅決大議游任重負不亟不徐雍容  
雅度如彼喬岳巖焉弗移其氣默運澤潤良多祇事  
列聖既四十載夷險一道其烏几几國有老成堂有柱  
石胡不慙遺當宁興惻既榮且哀隆寵光於乎忠  
靖沒世不忘

戶部尚書古公神道碑銘

朴

同前

宣德三年二月十八日戶部尚書古公卒訃聞  
上遣進士康琰賜祭命有司給舟歸其喪且營葬事既  
葬其子奉禮部尚書蔚公所述事狀走北京介少  
保夏公求書神道之碑余與古公同朝三十年知其  
有廉清之操諾而不辭公諱朴字文質號素軒古氏  
世家河南陳州諱義甫娶王生諱安道娶程公之大

父母父母也以公貴公之大父皆贈資善大夫戶  
部尚書大母皆贈夫人

父母父母也以公貴公之大父、皆贈資善大夫戶部尚書大母、皆贈夫人公洪武中奉鄉貢為太孀生奉命清理郡縣田賦圖籍丁父喪歸服闋隸五軍斷事理刑遂奏家貧願仕得祿養母

太祖皇帝嘉之除工部營部主事授承事即迎母就養京師居無幾母沒官給舟歸塋服闋改兵部司馬部主事陞武選司員外郎授奉訓大夫再陞郎中授奉議大夫遂陞兵部右侍郎授嘉議大夫

太宗皇帝正大統轉左侍郎授通議大夫賜文綺襲衣上巡守北京侍

仁宗皇帝監國嘗奉命敕禮部兵部及詹事府洪熙中改通政使是歲陞戶部尚書授資善大夫賜誥命追賜二代遂謂告歸省墓賜鈔襲衣公事親孝非其義

一豪不苟取居官臨事蚤作夜思勤勞弗懈一志於公無敢干以私者謹守

祖宗成憲不肯踰越或言事久於時小過不及者亦當損益就中終不為動永樂中建北京宮殿董伐木之役於江西有愛民之心竣事時被賜賚戶部主事判良素行不檢滿三載公考其績下良叩

上之左右人求公最考公曰貪佞之人幸未覺露不改行終當敗最考不可得也良遂誣奏公他事既就逮繫

太宗皇帝燭其誣竟釋公他日吏部奏授良誥命封贈其父母

仁宗皇帝曰豈弟君子福祿攸降是嘗誣奏大臣罪者其得為君子乎不與良卒以賊敗衆服公之明公所

治戰務退未嘗語其家人冰蘂之操確乎不移平素

其得為君子乎不與良卒以賦敗衆服公之明公所

治戰務退未嘗語其家人冰蘖之操確乎不移平素  
不事生產華靡雕琢之玩纖毫不畜公退清坐一室  
書冊自娛嘗病士竒往問之入其齋室几案間獨有  
自警編一帙可以觀其所存矣洪熙誥辭有端厚簡  
靜操行清潔之褒蓋見知於

上者深矣卒之日無銖累之積以遺子孫男三瑄璟李  
本孫男若干銘曰古有恒言曰公生明何道而公其  
惟廉清廉之為行士分內事曷世由之什靡一二士  
行弗貞理曷由興嗟文質甫為廉有誠厥廉倨何冰  
壺玉映迨其屬纏室類縣罄紛彼貴仕夏屋渠嗟  
文質甫歸焉兮居紛彼榮爵田亘阡陌嗟文質甫歸  
兮焉食其履湜其心休其污者之嫉清者之速相  
彼貪人潢潦之溢崇朝而盈涸不待夕嗟文質甫儼

乎不緇永揚休聞其在斯碑

黔國沐公定遠忠敬王神道碑銘 晟

同前

正統四年三月十八日黔國沐公薨于雲南之楚雄  
訃聞

上悼念輟視朝加降卹典遣官賜祭者再追封定遠王  
謚忠敬親王亦再遣祭其子護喪歸南京公卿文武  
群臣及所過方岳大臣皆祭以薨之歲十一月廿六  
日葬江寧縣長寧北鄉觀音山先茔之次沐氏夙陽  
定遠人其先所自具前翰林季士王景所著黔寧昭  
靖王神道之碑王之高祖考曾祖考以昭靖貴  
皆追封黔寧王高祖妣曾祖妣祖妣妣耿皆追封黔  
寧王夫人昭靖四子伯諱春襲封西平侯歿謚忠襄  
仲即王叔昂右軍都督府同知季听駙馬都尉王諱

寧王夫人昭... 仲即王叔昂右軍都督府同知李昕駙馬都尉王諱  
晟字景茂自少氣宇閑厚端慤凝重聰悟過人而博  
季遠識恭慎寡言喜怒不形於色

高皇帝重之既冠授後軍都督府僉事夙夜祇勤陞授  
特進榮祿大夫左都督時惠襄繼昭靖鎮雲南麓王  
嗣封西平侯仍奉命勅鎮雲南王承父兄之後秉誠  
殫慮益弘遠圖威報德懷恪勵夙夜先是麓川不靖  
諸蠻遂宣慰使而分據其地王適至奏發兵平之復奏  
以其地置孟養木邦孟定王府鎮沅威遠二州于厓  
潞江灣甸大侯者樂五長官司而歲徵其貢賦又於  
潞江之西置騰衝千戶所以控制之夷遂帖息  
太宗皇帝臨御之三年八百蠻酋侵邊王遣將先率兵  
討之躬率兵繼其後及蒙自縣蠻聞王來遂遁進禽  
其首誅之事聞賜筮書白金勞王四年安南叛命征

夷將軍率兵師及湖廣等都司兵討罪命王佩征夷  
副將軍印克左副將軍率雲南等都司兵分道進討  
王率兵由蒙自經野蒲斬木通道以入先遣偏裨攻  
奪猛烈棚華閔隘賊徒悉遁遂築堡駐造兵舟分遣  
諸將出宣光江口奪澳沕寺沙舁舟夜出洮水陣師  
遂遣將引兵泝流攻賊之富良江自旦鏖戰抵暮賊  
引却翼旦諸將皆欲奮擊王曰受命弔伐所欲得亮  
渠教人而已縱殺非

皇上好生之心乃止遂造浮梁渡師時征夷將軍大兵  
亦至迺合攻寇之多邦城柵繼擣其東西二都及盤  
灘困救嚕江仙侶等寇悉破之寇首黎李犁父子狼  
俱棄其衆獨挈家屬及左右心腹遠遁于海王合征  
夷將軍兵追至日南州奇羅海口禽俘魚遺械送京



師凡得郡四十八縣百八十六戶三百十二萬五千  
九百獲象馬牛畜軍資器仗安南平六年春班師入  
朝賜號顯忠輔運推誠宣力武臣特業榮祿大夫右  
柱國封黔國公食祿二千石賜誥券玉帶金幣命子  
孫世襲既大宴

上親製詩褒嘉又曰賜宴于便殿還鎮雲南是冬安南  
餘寇攜貳命王佩征夷將軍印總兵討之王師壓境  
寇遁入乂安海島追至占城之境禽寇首陳季擴阮  
帥鄧容等送京師誅之師還仍鎮雲南十七年當州  
蠻酋積逋賦不入朝廷命王發雲南貴州兵討之蠻  
掘險以抗王遣兵斷其後諸將請急攻王曰威服不  
若德服遂使人諭以禍福蠻即遣子詣京師謝罪悉  
償所逋

仁宗皇帝辭位重王勲德老成詔兼大傅召至恩礼加  
厚遂命佩征南將軍印還鎮

宣宗皇帝初嗣位遣使齎至書及金幣勞之

皇上嗣位恩禮視宣德之初明年改元正統賜金幣加  
厚是年冬四川會川黎溪蠻各底泊等蠻為亂奏遣  
弟都督昂討之二年冬馬龍他即甸蠻不靖復奏  
遣昂平之三年麓川思任發擾邊侵掠騰衝南甸遣  
人諭之不下奏躬率兵討之兵至潞江王勉諸將曰  
出兵尚謀不專恃勇且逼瘴月非用武之時今官軍  
已集如賊能畏威武悔過摠誠謝罪請命赦之斯亦  
可也遂復遣人諭之不下乃命弟昂及都督方政等率  
兵前進王尤戒其慎重時王整兵在後政等乘夜度  
江破賊柵賊衆奔北官軍乘勢追至景罕等寨斬首

江破賊柵賊眾奔北官軍乘勢追至景寧茅寨斬首

三千餘級獲象三千餘政奮勇獨進賊仗兵四發政力戰死之時春已半王慮瘴發非官軍利遂旋師將駐金齒會有旨命王還鎮王至楚雄疾遂薨力疾革時顧弟昂曰吾父子兄弟受國家天地罔極之恩吾不能報矣吾弟勉之吾一家子子孫世堅忠誠保臣節無忝君親又顧昂曰斯役也雖偏將失利固吾總帥之過此賊必不可貸汝勉之勉之言訖而遊歸襯所過道路城廓無貴賤小大迓拜哀慟蓋王在鎮久惠愛之被于下者深也王忠孝之誠本乎天性無或弗盡与子孫言亦倦々斯道友二弟甚厚教子孫動以礼法家政秩然位極人臣而礼賢重士虛已聽納寬裕有容未嘗面及人過凡文武属治吏有過者惟恐王知務自掩蓋其因自悔徙行者亦多王明於韜

略然以仁為主彙夷有罪未嘗輒加兵誅必諭導使  
改數諭非悛乃奏發兵逮兵入境若夷能知惧罪亦  
曲貸之與之更新雖臨陳必戒麾下毋縱殺戮賞罰  
明信威愛並行至於完城池飭武備訓將士理屯田  
通水利實倉庾恒謹戒法若輕徭賦問疲瘵尤勤致  
意季舍弊陋具財餼工葺之不以煩下治公有暇乎  
不釋卷稽古明道動師昔賢蓋從容其文武之才仁  
義之師也配程氏追封定遠王夫人子男一儼襲封  
黔國公孫男一玘至是王之子以事狀求余書神道  
之碑謹按狀叙而銘之銘曰天啓

皇明于淮之石配天與地篤生

帝后二聖至仁作民父母心存萬方包含徧覆矧孤在  
里靡攸怙恃二聖矜惻曰其子、翰之誨之勞劬備周

以長以成有偉才猷

帝有恩言尔復尔氏懋乃樹立章乃先祀嗚呼昭靖盛  
德豐功皎日之誠持孝以忠嗚呼忠敬績乃烈考惟  
孝之執惟忠之蹈發軔都府簡在宸心夙夜弗遑東  
其慎欽徃綏滇人幾五十年率考之行敷

帝之恩俾食俾衣免其寒飢重季崇師導之尊卑平其  
政令時其作止人戴惠慈淪骨浹髓有或弗惠以諭  
以誨游誨弗悛式列以戒交人悖克披猖為枉違天  
毒氓軼我边疆奉詔出師徃行天討桓桓疾馳雷驅  
電掃富良飛渡如履坦途兩師窘迫縛寇海隅解縱  
脅從宣布教條爰整師旅凱歌歸朝飲至策勳上公  
錫爵嘉翫元臣寵章揮灼滇人之思瞻望旆旌

帝不忘遠申命南行祇事五朝鞠躬小心奉國忘家志

如墜金寸棘未剪躬不寧處過自偏禪于躬引咎終  
于王事德善孔予顯：華褒千歲弗磨沐世子孫奕  
奕賢象篤忠与孝永光其傳

惠安伯張公壙志昇

楊文定公傳

公諱昇字叔暉今

太皇太后季兄也世居河南永城高祖文銘曾祖景惠

祖從義世以積善相承考麟以勲戚任指揮使追封

彭城侯妣仝氏封侯夫人三代祖考皆追封彭城侯

妣皆追封夫人伯兄景襲彭城伯卒再襲仲兄旭

府軍衛指揮使公初以城守功授義勇衛正千戶永

樂三年陞羽林前衛指揮僉事調府軍衛七年授誥

封昭勇將軍十二年隨駕北征二十二年陞後軍都

督同知洪熙元年陞左都督宣德元年

宣宗皇帝征武定州三年巡邊俱命公守北京四年  
上慶祀至親命殿左府事相里奉相皆七期延有火

督同知洪熙元年陞左都督宣德元年

宣宗皇帝征武定州三年巡邊俱命公守北京四年

上優禮至親命輟左府事朔望奉朝請凡朝廷有大政

事亦預議後奉

太皇太后命弗預正統五年九月封惠安伯授奉天翔

衛宣力武臣特進榮祿大夫柱國歲祿一千一百石

賜誥券子孫世襲六年正月十三日以疾卒壽六十

有三訃聞



上深嗟悼輟視朝一日遣官諭祭勅有司賻葬

太皇太后遣官致祭以是年二月某日葬宛平壽安山

先塋之次公為人端重孝友之德夙著于家閨門整

肅教諸子有方平居簡默臨事卓有定見歷事四朝

公勤忠謹未嘗有過

宣廟為皇太孫時往來兩京及時侍

太宗文皇帝北征皆命公保衛出入起居深有規益退而未嘗形於言

宣宗以保衛功嘗欲加封爵固辭其居顯官恒自謙抑每陞拜祇畏如不勝其臨政事必咨詢同官審擇而行不恃已見與人交尚道義遇文孝士必加礼敬服食尚儉素不為富貴態而急於利人常蓄藥石以療人疾為糜粥以濟飢歎公餘晋心載籍至老不捲徃古治忽及忠臣孝子事皆能道其詳每遇事輒以訓諸子嘗燕居諸子侍適雷雨暴至公肅然起敬曰語云迅雷風烈必變孝者不可不慎終召諸子語之曰吾素無功德朝廷篤念親與高官一家祿食莫能報稱喪事不可干朝廷宜從節儉依文公家礼無作佛事無徇世俗為莖儀資財勞人無久停柩于家母

煩費親戚朋友莖宜深坎毋高為墳莖吾所注意者不幸長子蚤喪孤係數人諸子宜加早愛爾等法體



煩費親戚朋友塋宜深坎毋高為墳塋吾所注意者  
不幸長子蚤喪孤孫數人諸子宜加保愛爾等能體  
我心則為孝配王氏封夫人子男六長軼襄府典室  
次軼次輪府軍左衛指揮使次輦次軼次輦軼輦先  
卒女長六長適劉濬威遠衛指揮使次適唐彥金吾  
左衛指揮同知次適李純燕山右衛指揮使次適山  
俊府軍前衛指揮使餘在室孫男八人女一人嗚呼  
前代勲戚賢否得失且載信史世為勸懲若公者可  
謂生順死安生榮死哀者矣雖沒以中壽而不忘者  
遠爰述其槩用納諸壙以示永久云

冷面寒鉄公傳

彭叅政森

公姓周初名日新在國初受知

太宗文皇帝嘗獨以新字呼之遂更名焉字志新世為

南海人居郡南郭外之高第里永樂甲申拜監察御史彈劾不避权要凡知無不言而言無不盡雖屢犯天威公言愈懇切不少變貴戚皆畏之曰為冷面寒鉄人因稱之曰冷面寒鉄公初為郡庠生負入太李有時名入選授大理寺評事以剛直著讞獄平允莫有稱屈在列咸推遜焉每有疑獄必決之公一言而白至是轉風憲風裁益揚人相競畏哉或怖小兒曰冷面寒鉄公來皆匿已而擢雲南按察使未及蒞任有任轉浙江有寃民逮繫數載聞命下喜相告曰冷面寒鉄公來也吾屬無患矣公至洗其寃放之有一巨商遠回未抵家而日暮恐孤行為人所剽掠潛以其貲置一祠石下至家妻問之商告以故明日求之無有也以公神明往訴焉公曰是必而妻有外遇也

西敷之果然蓋歸語妻時為女婦人所聽而是夜先往取

無有也以公神明性許為公曰是必而妻有外遇也

覈之果然蓋婦語妻時為姦人所聽而是夜先往取之矣其燭姦如坎境中暴虎嘗害人公為文告城隍須臾虎詣伏罪格殺之初來行道上有蠅蚋群聚馬首尾之見暴屍一軀無他物惟一鑰及小木私記收之及至今人市布取入北叩號不同者即發還已而得同號者鞠之乃劫布商賊也悉以其贓召布商家人給之家人大驚時商去已二載於是始知為盜殺也為政多類此它如辨豆獲盜人皆服之嘗巡屬縣易服色入觸縣官收繫獄中遂知一縣疾若明日迂公乃自獄出縣官恐懼伏謝竟以罪去由是諸郡縣吏聞風悉服粟莫敢肆其姦察案一日以鷺炙餽公公懸之後有遺者指示之無復有以毫髮干公其察案有受遺者必問冷面寒鉄公知否公未顯時配夫

人嘗治禱以給及此偕來浙處如貧日無難色同僚  
私屬內燕公夫人往荆叙布裙大類若田野婦各歸  
漸惡遂更相變為澹素公雖處家儉朴而轉移人若  
此脫大柄用而侈聲樂不為之減者少矣朝廷命錦  
衣千戶如浙拿賊吏即受吏贓公時進須知遇諸涿  
州捕之繫于涿獄千戶逸走詣闕奏

上怒令馳驛縛至既至伏丹陛下犹口：歷陳其罪  
不已

上愈怒命肆諸市臨刑大呼曰生得為直臣死當作直  
鬼是夕奏文星墜

上大悔枉了好人不悅者久之問左右曰周新何許人  
對曰廣東

上曰廣東有此等好人自後嘗見形于朝或見一人衣

對曰廣東  
上曰廣東有此等好人自後嘗見形于朝或見一人衣

紅衣立日中錄卷之二十

上呵之問為誰對曰臣周新也上帝以臣剛直命為浙

江城隍為

陛下治姦臣貪吏言已不見

天顏懽然公少鯁直勁厲姿韓高大俊偉異常好拳能

文尚凌厲在童子行而氣宇凜若成人人無犯者有

小挫必奮不平必直之而後已在庠校同列有過

則面責至人無所容人以公為大甚輒抗声曰責善

朋友道苟阿諛胡取友為有過者即改恒恐公知之

盖其養可知已為政尚大躰問無明事断如神人以

為生閻羅姦潛穴伏群吏膽落民無犯令行罔皆空

然猶愛恤小民惠澤草野雖三尺童子皆頌其美至

今聞廣父老猶解說其事公沒夫人獨挈公遺衣及

遺書數卷歸廣貧居如洗然新昌楊公信文去歲來  
南巡撫時存問其家每月周之以奉嘗語人周志新  
當代第一人吾黨所未及也森於公同里為叔行且  
蚤知於公今公死慮歲久湮沒因暇筆其粗梗以識  
其為人或為公發姦擿伏有廣漢風而宋有鉄面御  
史公似過之故因當時之稱傳之曰冷面寒鉄公云

浙江圖

皇明名臣琬琰錄卷之二十

都御史向公神道碑銘

寶

金文靖公幼孜

公諱寶字克忠姓向氏別號疎菴其先河南之開封人宋僕射文簡公之十五世孫也文簡四世孫蔚嘗扈蹕從宋高宗南渡子水性仕孝宗累官太中大夫封魏國生仕煜官朝奉大夫朝奉生公道為臨川縣丞娶進賢許氏遂以朝奉葬其邑潤安因家焉自是為進賢人祖雲翔父允恭以公貴皆贈資善大夫都察院右副都御史兼詹事府詹事祖妣張氏母熊氏皆贈夫人公資性穎異五歲能頌孝經七歲通四書章句過目不忘稍長肄業邑庠教諭丁之翰授以書經甚見器重嘗從女人假通鑑綱目七日即遣還之問舉以問荅之如響洪武甲子科奉復行遂以書經

薦于鄉明年登進士第觀政都督府丙寅授庫部試  
員外郎丁卯實授職方員外郎奉議大夫壬申登丁  
外艰明年詔起復仍前職丁丑秩滿陞通政使以不  
善奏对力辞改應天府尹階嘉議大夫戊寅坐事謫  
廣西蒼梧甲申

太宗文皇帝入正大統復公前職己丑以譴逮獄憲臺  
庚寅冬左選兩淮都轉運鹽判官未几復訟繫南京  
乙未春宥復前職命督運糧餉并總督淮安諸郡漕  
運材木甲辰秋八月

仁宗皇帝即位驛召还朝

浙

上方欲擢用公適交趾缺按察吏部首以公為奏  
上未許之遂以為都察院左僉都御史弼日入謝陞右  
都御史階資善大夫未几復命無啓事府啓事特賜

楮幣羊酒公雖屢見挫抑而志於有為到官不數日  
即條陳八事以其其日錄用



上未許之遂以爲者察院左僉都御史  
鄒御史階資善大夫未几復命無居事府  
庶官事特賜  
楮弊羊酒公雖屢見挫抑而志於有為到官不數日  
即條陳八事以進其一曰錄用勲舊二曰設置諫官  
三曰選奉賢才四曰簡練將帥五曰貴重有司六曰  
考覈吏員七曰監生資格八曰疏通鈔法其言皆懇  
切有裨於時政者

上命次第行之

今上皇帝即位之初以南京都察院缺人特命往莅焉  
宣德戊申夏秩滿入覲公時以嬰疾艱於拜罷

上念其老特賜勅令致仕歸其鄉然自是疾益加劇遂  
以八月四日卒于南京之官舍訃聞

上悼歎之特遣使賜祭命官給舟還其喪復命有司治  
祠墳以其年十二月丁酉塋潤安九世祖朝奉公之  
塋公生元至正丙午六月九日至是享年六十有二

娶羅氏封夫人子男五長劉孫次可觀可規可覲可  
寬噫公為人清介公方厯事四朝逾四十年初居庫  
部職方時公牘日累千百次第剖折無一停滯衆皆  
推其勤慎及為京尹愷悌廉明興季育才恒加督勵  
撫善推惡強暴悚懾公庭肅清終日不聞鞭笞民皆  
感服及居憲臺振舉紀綱以德濟威嚴而不苛士論  
多之屢遭黜斥辭氣浩然未嘗少屈所至輒開館延  
士觴詠賦詩未嘗以夷險易至志故廉厲端確之行  
始終如一性至孝嘗以祿不逮親為歎時忌日悲泣  
如初喪奉繼母不違其志撫諸弟友愛切至處鄉里  
恂恂自下交友朋恭謹謙抑久而益篤平居言不及  
禍財不苟取與疏食水飲自處泊如其孝博究經史  
百氏為文章有理政詩雅健可愛有踈菴日稿若干

卷季者稱之為踈菴先生云銘曰倚欤向氏文簡之  
齋觀國繼之益顯其世建千明養實茲南易公品取

卷季者稱之為踈菴先生云銘曰猗欵向氏文簡之  
裔魏國繼之益顯其世逮于朝奉實塋南昌公詔厥  
緒閱閱煌煌公年弱冠名薦南宮祇事列聖

太祖太宗泊于

仁考歷躋顯融駁踐中外有聲渢渢公在官守執勤秉  
恭寬惠愛人卹于瘡恫公有言責勵其清忠不撓不  
激雅度雍容公志之篤操履之堅夷險一致隨遇而  
安公老致仕始終克全公歿有榮無憾九原士論所  
歸如公有幾匪公之能惟德之比匪惟有德而又有  
子圖其不朽屬銘太史最行琢詞揭石墓道後千百  
年其永有耀

顧都御史言行錄佐

楊尚寶廉

顧佐字

河南太康人中進士歷仕洪武宣德間

官至左都御史除莊浪知縣午節會射將佐以文士  
易之公連發三中無不驚服尋擢御史守正嫉邪為  
應天府尹剛稜不撓吏民畏服勳豪貴戚為之斂手  
政聲赫々 詔者謂類包孝肅之知開封府宣德三年  
六月中早朝罷召楊榮及楊士奇問廷臣中誰可使  
掌憲兩人久未對

上曰未必都無一人臣士奇對曰通政使顧佐廉公有  
威曾任御史及按察司皆有風采榮曰佐亦嘗為京  
尹能防禁下吏政清弊革

上喜曰顧佐乃能如此陞右都御史賜筆書令考黜不肖  
洗滌積弊佐奏黜其不肖者二十餘人

宣德四年顧佐自陞都御史憲度嚴明宿弊清革下  
至吏卒悚慄凜然吏有遭笞者捃佐之過謂受皂隸

賂放歸悉具姓名以聞

上密以示臣士奇且曰尔不舉佐庶于對曰所訴之事誠有非誣蓋今朝臣月俸止給米一石薪炭馬芻皆資於皂不得不遣半歸使俗所用皂亦皆樂得歸耕以來如此

仁宗皇帝固知之所以增朝臣之俸

上歎曰朝臣之艱如此因怒訴者曰朝廷用一好人輒為小人所排欲不法司治之臣對曰此末事不足上干

聖怒但付佐自治恩與法并行矣臣退

上召佐以吏訴狀授之諭之曰放皂隸耕使給薪芻京官皆然不足為過小人不樂檢束誣陷正人汝自治之佐叩首退召吏示之狀吏恐甚佐曰

上命我治汝我姑容汝但改行為善竟不治之

上聞之喜曰佐得大軀矣數月有因告佐累：枉人重罪不聽訴理者

上大怒召楊榮及臣論曰此必有罪因教之排佐小人陷正人不可不究治遂命三法司鞠之實千戶臧清殺一家無罪三人當死代寫狀教之誣告

上曰不誅之佐何以行事立命磔清於市並聖諭錄

顧都御史佐性嚴重聲望偉然未嘗口毀善人旦晚東朝房小憇前呵雙藤立戶外官僚行道以此為驗往有輓駟駐馬折而還者雖公遭時得君之盛要亦有懼伏彈壓之實焉

午門外東直房六部都察院堂上官候朝之所兩門入惟都察院正官獨處一小夾室近歲都御史顧公

佐非公事未嘗與諸司群坐 並水東日記

太康之墟卓有良臣烈之汝介匪矯而真高簡不接  
一塌穀塵尹正天府明察如神擢中執法實表縉紳  
赤棒生氣公論以伸事歸臺閣弼于一人 彭韶撰贊

大理卿虞公言行錄 謙

尹侍郎直

虞謙字伯益鎮江金壇人仕洪武宣德間官至大理  
寺卿公自幼秀朗端重聰敏好學洪武乙亥由大率  
生擢刑部山東部郎中陞杭州知府永樂初召為大  
理寺左少卿尋陞右副都御史甲辰春轉大理寺卿  
恒曰為臣之道愛君愛民二者愛君崇其德愛民厚  
其生為副都御史奉命巡視揚州淮安旱災至則疏  
民所苦請發廩賑貸官為贖還所賣男女為奴婢者  
皆從之又奉命督兩浙蘇松諸郡運賦建議丁多而

糧最少運北京丁多糧少次者運徐州丁糧俱中運  
南京淮安丁少而糧多存留本郡縣倉又奉命巡撫  
浙江察廉糾貪建議便民十數事多見施行

仁宗皇帝位嗣位欽恤刑獄而嚴大理之選曰是天下  
之平也於是改公為卿先是都察院論誑騙罪准洪  
武榜例梟首公言比奉詔書自今准律斬罪誑騙在  
律當杖而流梟首非詔書意

上曰虞謙言是

天津衛倉災焚糧數十萬御史廉視言主典者盜用  
故縱火以自蓋追逮凡八百人不勝考掠皆誣服應  
死者百餘人公察其寃白于

上得減論於兩法司及四方所上獄訟皆親閱之必當  
必平於大辟罪尤加意曰彼無憾斯我無憾矣時有

詔求直言公言七事其一用人曰用得其人則治道  
興非其人則治道頽



詔求直言公言七事其一用人曰用得其人則治道  
興非其人則治道隳人主之戒惟在擇人而已其二  
興學校曰教育之道本於師範不存於倫而在得人  
庶有成效三曰都察院耳目紀綱之戒用以激濁揚  
清今專俾治獄非設風憲本意四曰廣儲蓄今國用  
空乏宜預為備五曰北京八府之民困於養馬宜分  
給無馬郡縣牧養以蘇圻內六曰鈔法不通由於出  
多而入少今但多方收之而不輕出民艱於得鈔則  
自流通七曰京師盜賊之繫由於軍民工匠每十家  
編為一甲使互相覺察出入一家有犯十家連坐有  
能捕首免其連坐之罪皆切中時弊公儀觀偉然瀟  
灑絕俗以詩名於時有玉雪齋稿喜寫山水木石有  
倪雲林韻致宣德二年卒年六十三

並楊士奇撰墓  
碑

尹直贊曰蘭臺棘寺刑乃攸司惟公廉平

仁廟簡知遂自卽署擢都憲紀歷敬多年累效勞勩讞  
議平反惟慎惟明敷陳剴切允愜輿情

工部主事劉公言行錄

同前

劉季篔諱韶字季篔以字行浙江餘姚人進士歷仕  
洪武永樂間官至刑部侍郎左遷工部主事

君自幼端靖喜奉問既承其家訓長而進季登洪武  
甲戌進士第授行人司行人嘗持節使雲南四川朝  
鮮所至宣上德達民隱餽贖豪無所受事間事賜鈔  
襲衣丁丑陞陝西布政司左叅政先是陝有逋賦民  
積歲不能輸有司峻刑督之君至慨然曰民困不能  
輸為之父母又忍峻刑督之耶與其察謀分行郡縣  
解其繫緩其期勞來綏輯而從容勸誘烏民皆感激

曰是赤子孫念我不可不戮力以累人仁奔走假貨

曰是赤子矜念我、可不戮力以累人仁奔走假貸以輸無几畢完

陝不產硎砂而歲月有課額民窘不能償至或償其家者君為奏罷之

洪渠水溢為民患躬行視之為設法治堰民賴以安盖凡可以利民者率盡心焉

召為刑部左侍郎尤憫重民命平反具獄數事陝平民王某為強盜所引逮至而所引者已伏法不能自白君察寃君所引者之妻子使識之而聽其詞竟得實王免於誣有典守錢穀而虧兌者既被逮則援引千餘人同罪君廉知其誣卒辨所誣引者釋之河陽逆旅夜有朱趙二人異室而宿朱怨家後追至而誤殺趙朱實不知逆旅主人疑朱殺之追執送至鞠

訊考掠朱遂証服不敢求辨君獨曰是偶邂逅相聚  
非素有負且計其裝非有圖也特緩其獄遣人密察  
之無幾有司竟得殺趙者而朱以緩獄不死楊州民  
胡氏夜有賊入其室殺人而遺刀屍傍旦視之柄有  
隣家蘇氏私識官捕鞠蘇曰家失此刀久矣不服  
既備極諸刑竟無服君潛使持刀往察其隣一童子  
識之曰我家物也遂得賊而釋蘇蓋其理刑一以求  
生為務永樂乙酉纂脩大典命太子少師姚廣孝禮  
部尚書鄭賜監脩而擇有文孝者一人為之副遂以  
命君討論裁處人多服之庚寅坐失出人罪左遷兩  
淮鹽運判未行復改工部營繕主事躬勤治賊未嘗  
以崇卑為意癸卯辛年六十一君為人清素雖復  
歷顯要而泊然自持雍容雅度有犯不校間暇手不釋

卷治經長於春秋喜吟咏冲澹優閑有陶靖節常刺  
史之趣 並楊士奇撰墓志

尹直贊曰有學有行風度醞籍早擢甲科使車屢駕  
于蕃于宣有裨上下入佐秋卿恪勤夙夜祇體欽恤  
隱鬱舒達寧失不經寧取可罷厚德永垂崇卑奚訶

刑部尚書趙公神道碑銘

珣

楊文敏公榮

天之生才將以資於世用然必國家有以教養之於  
未用之先歷試之於方用之際及其練達既久而後  
大用之以盡其才故能建功立業進退協道足以震  
今而耀後焉若故資政大夫刑部尚書河南趙公蓋  
其人也公諱珣字雲翰其先為邢臺鮮于社人元季  
擾攘公之父攜家避兵於平陽夏縣而公始生時寇  
出四掠公在襁褓母嘗抱匿林莽間迫於虎置公于

地虎熟視而去聞者異焉世靖將歸邢臺道經于汴  
閱其風土而樂之因家于汴遂為汴人公自幼穎敏  
嗜學進退動止迄如老成既長游學郡邑庠己卓然  
子儕輩中洪武丁卯由郡荐入太學生嘗被命董事  
山東以克廉謹受襲衣楮幣之賜歲庚午授兵部職  
方主事命覈天下兵馬暨諸路屯戍補其缺而增所  
宜置公得其實具圖以進

太祖皇帝以為能乙亥陞武庫員外郎慎密小心尤為  
當道者所重戊寅陞浙江右叅政剽繁治劇事無宜  
疑滯時海寇出沒劫取人財公以計捕之境內獲安  
尋丁外艱吏民慕之如離父母

太宗皇帝嗣臨大寶以公能專對命使南交至則誕宣  
德音恩威兼布夷長缺服既歸却其金寶之餽

太宗開而吉加之錫賚優渥擢刑部右侍郎未几轉工部  
再轉刑部受命往封而寧矣宋晟歸拜刑部尚書賜

德音恩威蕪布夷長缺服既歸却其金寶之觀

太宗聞而嘉之錫賚優渥擢刑部右侍郎未几轉工部

再轉禮部受命往封西寧侯宋晟歸拜禮部尚書賜

宴于華盖殿并徹御筵饌蓋遺其母以榮之戊子

仁孝皇后崩逝公詣北京卜山陵告成膺楮幣之賜壬

辰督創除慶保安永寧諸郡治抚輯有力而新集之

民悉其業而不知其勞丁酉改兵部尚書明年以內

艰去已而起復專理塞外兵政疾作

太宗遣中官偕名匠往視疾已入謝復令調攝于家既

康復命請塞北訪牧地逐具順川等處以聞於是出

廐馬牧之孳畜蕃息壬寅大駕北征命公督軍餉措

理有方兵食克給

仁宗皇帝嗣位改刑部尚書居職六年式敬由獄宣德

庚戌力以疾辭

宣宗皇帝矜其賢勞特賜致仕既歸汴構一室於東郊  
名曰石泉茅屋日與親友為歡以樂暮年正統丙辰  
七月十有五日以疾卒于正寢享年七十有三訃聞  
上遣官諭祭仍命有司營塋公生乙巳月日曾祖  
諱有隱德祖諱和之父諱得以公貴俱贈資政大  
夫刑部尚書祖妣張氏母侯氏俱贈夫人配胡氏封  
夫人子男回長曰愚奉賢良方正授潞州襄垣縣丞  
次魯次純次朴女二孫男五瑄瑛玘琮珍孫女五以  
是歲八月廿有三日塋公于祥符南百畝岡之原愚  
奉都御史顧公佐所述狀來京謁予泣拜請銘惟公  
仗度英偉個儻多才善屬文喜歌咏有儻父集二卷  
藏于家嗚呼士君子出處進退求合乎道而已觀公  
之仕于朝也攄誠效勞知無不言每月獻納多契

上意雅性節儉雖貴列六卿而自奉澹泊及退居也幅



上意雅性節儉雖貴列六卿而自奉澹泊及退居也幅  
巾藜杖蕭散自如不以外物經心公之進退協于道  
者如此是宜有銘曰於皇

太祖建季育才士習不変人文聿開寢趙公遭值  
明世肄業泮宮用成大器季優而博識敏而明列職  
内外式殫成明

太宗惇信崇德擢任亞卿旋拜宗伯直清寅畏夙夜惟  
勤和厥上下治茲神人乃遷司馬克詰戎政兵食之  
克畜牧之盛伊誰致之實公之為中外咸曰任公其  
宜邦禁之司

仁廟之命昭哉五刑惟恤惟敬國有六卿公歷其三僚  
屬具瞻泰山岩公仕回朝終始一節既老而休允  
美明哲維公之賢生榮死安作此銘詩以永後觀

右都御史王公神道碑銘 彰

全前

國朝稽古為治用人之法惟旧是圖

列聖相承率由茲道於是耆德宿望之臣馭歷中外荐  
躋顯要以至持衡秉鈞先後數十年榮名始終者往  
往有其人焉何其盛也乃宣德二年夏四月朔日都  
察院右都御史王公以疾卒明日

上賜之棺具命禮部遣官祭之兵部給舟車歸其喪有  
司為治墳塋越身其孤瑾奉監察御史羅汝敬所述  
公之行狀詣予泣拜請曰先公既歿將祔塋鄭之城  
西南先塋之次然無文刻于墓石恐遺德弗傳敢請  
一言以示于後庶几永有賴焉予於公同官于朝交  
久且厚誼弗可辭按狀公諱勗字文昭其先世家太  
原代其顯人其後散居四方皆為鉅族公之高祖諱

資元至正中以明經為河南鹿邑奉官因家為曾祖  
良祖賜父汝能皆樂善好義居鄉有聞母郭氏元季

久且學諸州可鈔抄公言章字曰其字七家  
原代其顯人其後散居四方皆為鉅族公之高祖諱

資元至正中以明經為河南鹿邑李官因家為曾祖  
良祖賜父汝能皆樂善好義居鄉有聞母郭氏元季  
汝能挈家避兵汾晉之間海內既平將歸其鄉過鄭  
樂其風土遂占籍焉公生元至正丙午九月十八日  
幼穎悟好李稍長有司選為州李生益自刻苦李日  
進洪武丁卯領河南鄉荐明年會試禮部弗利補大  
李生嘗使山東平糶以實軍儲同列納賄縱逋負者  
公毅然責之弗聽比还其人果得罪公遂以廉幹聞  
明年擢吏科給事中典封駁之任夙夜在公出納惟  
允歷左右給事中益慎益虔聲譽尤著遂進都給事  
中未几陞刑部福建司員外郎時有豪橫徃來構訟  
根株連結至數歲不能斷決有司卒為所誣害公曰  
法貴平恕然亦豈宜寬縱以長惡哉於是正之以法

而為所誣者皆得釋人咸悅服既而超拜山西布政  
司左叅政居藩七年吏弗忍欺民懷其惠永樂初召  
拜禮部右侍郎階嘉議大夫時四方方圖奉玉帛  
重九譯以朝覲賓貢者肩背相望于京師賞賚燕享  
無虛日與尚書鄭公賜同德協恭奉取惟謹明年以  
父喪去官哀毀踰節卿尚稱為服除迂戶部嘗紀華  
嶽過陝州之新安聞民鬻男女償逋租既還奉之詔  
悉蠲其租且官給楮幣以贖其所鬻男女人皆德之  
永樂壬辰改都察院右副都御史論事嚴毅持法公  
正人不敢干以私嘗以母夫人年高欲歸省侍而難  
於請適蒙恩命按河南許其過家且賜母夫人冠服  
仍給白金楮幣以歸為壽時人莫不歎羨歲庚子陞  
右都御史秩資善大夫仍按河南待諸卿旧一如平

生至於公法雖親不貸時諸郡連歲水旱民多流亡  
而有司復加重斂民益以困公悉奏之於是詔停不

生至於公法雖親不貸時諸郡連歲水患民多流亡  
而有司復加重歛民益以困公悉奏之於是詔停不  
急之徵十餘事凡官吏以貧暴罷免者九百餘人招  
流民復業者凡五萬家發官廩以賑之賴全活者甚  
衆先是強賊張大聚亡命嵯峩山行劫商賈為之不  
通女僧宋繼善與其徒數百人為妖言撼衆奸人李  
人美以左道惑人公悉捕斬之平生嫉惡甚然獄有  
所疑者必反覆訊鞠然後決有鄭旺者罪當辟公閱  
其辭疑焉命御史為辯之果得不死公性至孝以父  
早世事母夫人尤謹在京師所得四方珍味必遣人  
馳獻然後敢食歲時荐先竟日裴哀不樂所得俸祿  
必分族人及濟貧之嚴於家法訓飭子弟其有違禮  
度者必痛責之俟其悔悟乃已洪熙改元進資政大

夫得推恩封贈其祖考皆如公官母封太夫人咸以  
為榮公卒之日士論嗟惜之配郝氏有賢行封夫人  
子男二長即瑾次瑜女四公為人簡靜待人以誠率  
下以正平居言若不出口至臨事論辯詞氣侃々弗  
少置自為侍從之職荐躋顯要歷事累朝廉介自將  
恪勤夙夜垂四十年毅然有古大臣之風若公者庶  
幾無愧於其職也欽遂為序次其平生行能之槩而  
系之以銘其辭曰王出太原世有聞人繼遷鹿邑閱  
閱嶙峋迨于高魯家聲益振元季兵興避地汾晉幸  
際聖明桑梓是思爰樂鄭鄉占籍于茲公承厥後早  
悟而通發迹場屋遊歌碎雍列職內廷實典封駁優  
游禁近荐膺顯擢既遷秋官持法惟平出佐山西藩  
方寔寧公來自藩乃貳宗伯繼贊司徒厥聲藉々秉

憲內臺風軌肅清自髮蒼顏翼然在廷弗規弗隨正  
也卒下從容廟堂贊補聖化惟公克忠廉謹自持惟

憲內臺風執肅清白髮蒼顏翼然在廷弗規弗隨正  
色卒下從容廟堂贊輔聖化惟公克忠廉謹自持惟  
公克孝祇奉母慈荐沐國恩膺典褒典光子三世無  
間函顯公宜壽考寵眷是承云胡逝矣嗚呼遺榮公  
則無憾世適嗟惜邦失重臣人懷舊德蒼山峩峩為  
公之墳百世之下尚徵斯文

禮部左侍郎陳公墓志銘

璉

王文端公直

陳氏之先汴梁人宋建炎間有諱吝者為嶺南清海  
軍節度使終于官子宴廕東莞令因家邑之延福鄉  
由是為東莞人公高祖：舜曾祖誠子祖用廣父宗  
彛皆不仕宗彛娶翟氏生四子公其長也諱璉字廷  
器別號琴軒自幼聰敏喜學從邑庠訓導黃先生勸  
受書經孝成領荐會試不偶入太學選為桂林府學

教授嚴朝條約以身先之時有詔武臣子弟皆受季公  
日進諸生講聖賢之道所謂忠孝仁義之說必使身  
體而力行之諸生雖文武不同莫不皆有所得都督  
韓觀總兵鎮守廣西猛悍不下士聞公之教心悅誠  
服每以儒師加禮焉秩滿陞國子助教永樂初近臣  
言公有治才不宜置之散地召試在優等擢知許州  
始至人以儒者易之公少有警發衆為悚惧乃更以  
寬厚寧民未几代還改滁州均瑤役時征歛禁奸戢  
暴民用太和

太宗皇帝巡幸北京所過先遣廷臣察吏治問民隱治  
有異效者加陞擢焉衆皆言公績最滁人恐失之詣  
闕乞番遂陞揚州知府掌州事賜綺衣一襲鈔五百  
貫禮部宴餞給驛遣還在滁又九年陞四川按察

使四川去京遠民不畏法豪吏點眉脊姦獄六百出六至



賜乞番遊陞揚州知府掌學以事與給事中九年陞四川按察

使四川去京遠民不畏法豪吏黠胥姦弊百出六至  
一治以法不少貸軍中暴橫有號虎彪太歲者人莫  
敢犯輒受奇禍公廉得實為設方略密遣人捕之  
皆置之重典而人以寧乃建言備武備慎刑罰明禮  
制復義倉正風俗等九事

上嘉納之召還改南京通政使出納命令固不明允

上喜其盡職賜之誥命以示褒而曾大父大父皆贈

通政使妣與妻皆淑人正統初陞調南京禮部左侍

郎於稽古禮文之事尤倦不少懈又五年以年踰

七十乞致仕

上許焉公德行淳懿文詞典重人愛之若拱壁其所進

於

上有巡狩頌平胡頌饒歌鼓吹天下傳誦之縉紳士大

夫求碑銘序記詩賦諸作以發德述懷娛情寫物者  
足相躡於門公應之如響故所作最多今傳者有琴  
軒集歸田藁若干卷尤好著書凡所臨郡邑必采其  
山川人事風俗物產所以供賦稅之正而適上下之  
宜者為書以傳若潁川永陽羅浮成都芋誌皆具存  
其識鑑精明取舍不妄賓興之歲公必在主司之列  
而收得人之譽及致仕而歸鄉之孝者有所增益郡  
縣守令政有未達者得咨度之於公黃肖養作亂其  
所以制禦綏靖卒保無恙者公之策為多公生於洪  
武庚戌五月初七日而以景泰甲戌十月十六日終享  
年八十五配淑人袁氏有婦道先卒又娶侯氏子男  
二鼎彛孫男二鎧鑑將以明年二月初三日奉公柩  
與淑人合葬焉墓宜有銘以公之友左副都御史致

仕羅公亨信所有行狀來請予當托交於公知公文  
行政事之善且與羅公同年又知其言足以取信於

仕羅公亨信所有行狀來請予嘗托交於公知公文  
行政事之善且與羅公同年又知其言足以取信於  
後世詎不可辭乃為序次而銘之銘曰東莞陳宗來  
自汴梁武德桓：奠此一方傳至于公益篤文藝奮  
迹泮宮遂領民事今之太守乃古諸侯千里滁陽賦  
役優、繼登外臺克謹邦憲政肅刑清俗為之變典  
教成均孝者有師執事之樞出納具宜維少春官礼  
樂是輔

帝實用公：乃求去白髮蒼顏老于故鄉賢哉二疏千  
古相望山川出雲雨波黍稷功成歸來孰知其力公  
今逝矣与汗漫期有美在人百世之恩

次秩天卒次枯女二人先生重厚備慎孝友天至事  
冊太夫人蒲極色養太夫人嘗戒以無過次終嗣未



浙江圖書館

次棧天卒次枯女二人先生重厚備慎孝友天至事  
母太夫人備極色養太夫人嘗戒以無過飲終身未  
嘗至醉其宦遊京師以太夫人年高不可迎養母  
一念至輒欬飲泣教篤二第底于成立尚書公以  
碩德長才由給事中陞大理卿再轉而位大司馬事  
先生如父出鎮交趾歲告書問往來不絕先生以其  
弟位六卿已復繼登清要深惧盛滿弥自敬畏平居  
敦尚儉素食不兼味衣無華綺僑寓闌闌一室蓬戶  
蒿壁僅蔽風雨而終日危坐手不釋卷為文章根據  
經史必務理勝不事葩藻常曰文如菽粟布帛貴有  
益於世不尔雖工奚益所著有綱目集覽證誤若干  
卷之集若干卷藏于家病後數日會格奉母來省病  
且革至是復甦矐目視格母子以手書太夫人家否

字格對以無恙頷之出涕被面後三日竟卒格既畢  
殯殮事將奉柩南還墓里之山乃涕泣求予狀其  
行實乞銘于當代立言君子以昭不朽予與先生有  
同官之好而又相知義不得而辭焉謹狀

兵部尚書節愍陳公墓誌銘  
洽 曾季士 榮

兵部尚書毘陵陳公之死事于交趾也計聞詔贈少  
保榮祿大夫謚節愍遣官諭祭命其子樞為刑科給  
事中勅工部為造墳營厚恤其家樞既倣古具衣冠  
招魂與公之夫人合葬其邑定安西鄉三橋之原乃  
奉禮部尚書胡公滌所述行狀詣余泣拜請銘余嘗  
辱知於公而忠節事又所當書者遂不辭按狀公諱  
洽字叔遠姓陳氏其先澗之樂清人曾祖可山喜為  
湖海之遊元季容平江遭亂道梗弗得歸遂家姑蘇

之常熟祖益初父以貞連世弗仕母唐氏有淑德因  
朝共武中以貞自常熟徙居毘陵之武進三子七

洽字叔遠... 元季容平江遭亂道梗弗得歸遂家姑蘇  
湘海之遊

之常熟祖益初父以貞連世弗仕母唐氏有淑德因  
朝洪武中以貞自常熟徙居毘陵之武進三子皆聰  
穎秀異公其仲子也生洪武庚戌正月初六日自幼  
端重不為兒嬉甫成童已屹如老成人稍長貌竒偉  
長身玉立人望而敬焉與兄濟暨弟浚同游鄉先生  
謝子蘭之門子蘭謂人曰陳氏兄弟才氣如此河東  
之薛不得專美於前矣且以遠大期之公讀書力學  
淹貫群籍尤工於書法弱冠用荐登

命點軍卒過其自輒識其面且記姓名弗忘有再至  
輒答之叱令其去總戎惧請罪公上其事

太祖皇帝嘉之賜織金鷄鵠衣一襲洪武丙子以貞戌  
五開以沒公去官至家時五開蠻寇竊發公匍匐將  
往以歸公喪或止之公不應涕泣以行其後觸瘴癘

冒危險間關五千餘里竟負骨歸塋焉未几少保兵部尚書茹公瑄荐公可大用遂奪情起復授文選郎中

太宗皇帝入正大統之初首陞為吏部右侍郎尋轉陞左侍郎階嘉議大夫量才任官銓衡惟允復署地官事益有聲永樂乙酉遷大理寺卿持法平恕民無告寃者丙戌交趾黎賊構逆朝廷興師問罪且命公覘賊蹤跡調土兵三萬以佐總戎者未几黎賊就俘交趾遂平既還朝命掌春官事論功定賞人無間言繼署冬官名譽尤振歲己丑交趾餘寇作亂仍命英國公張輔率師往討之公實與參贊机務遂擒其兇渠簡定而還時北寇猖獗車駕親征公承命偕英國公訓練士卒于塞外辛卯復任鎮交趾以克緩輯其民

先教化而後刑法夷人安之垂俗為之丕變而寇隙



先教化而後刑法夷人安之蚩俗為之丕變而窮陳  
裔之間絃誦之聲相聞乙未還京師

上嘉其功陞兵部尚書階資善大夫丁酉仍與豐城侯  
李公彬同鎮交趾兼掌二司事

仁宗皇帝即位勅領交趾布政司按察司兩司仍叅軍  
事賜誥命追封二代祖考皆資德大夫正治正卿兵  
部尚書祖妣贈夫人毋封夫大人故妻楊氏贈夫人  
今上皇帝宣德改元之初蚩寇黎利勢益張成山侯王  
通率師討叛公仍與叅贊是歲冬十一月八日出師  
討賊公以為宜駐師石室縣之沙河以覘賊勢主師  
欲渡河而陣公反覆論以利害且陳方畧主師弗听  
翊旦五鼓麾兵以渡公弗能止次寧橋賊自己至未  
力戰公戰遂自奮馬突入賊陣欲擒其首惡身被創

甚而了無怖色既而墜馬左右扶掖公欲還營中且曰  
主師且退公何自苦如此公張自叱之曰吾受朝廷  
厚恩四十年報國正在今日吾豈偷生忍耻者乎衆  
皆潰散公奮勇持擊戈前進手殺數人知力不能支  
大罵自刎而死賊相視駭嘆公自筮仕即居內庭恂  
謙謹清儉寡慾忠信孝友出於天性動止語默皆有  
禮度獎善嫉惡尤惡諂諛親仁好賢歎尚正直於人  
無所毀譽而遇之必以誠性樂恬澹不事侈靡平生  
不畜媵妾所至惟家僮二人以給使令晚年不喜飲  
酒間居沉默寡言終日危坐人莫窺其底蘊有言兵  
者則曰兵亮器也古人尚德化必不得已然後用之  
博涉書史論至古將相忠孝之事必正顏定色英氣  
橫發擊卬稱歎若已有之雖有邊徼經營軍旅之務

稍暇即讀書自娛手未嘗釋卷也其為施文敏捷性  
生皆有思敏公率之用年主而棄成而歸文敏捷性

博涉書史論至古將相忠孝之輩以正氣定色并  
橫發擊尸祿歎若己有之雖有邊徼終營軍旅之務

稍暇即讀書自娛手未嘗釋卷也其為施文敏捷往  
往皆有思致公率之明年主師棄城而歸交趾遂為  
賊所執夷人思公之遺德語及輒為文涕流嗚咽久  
之公卒之日享年五十有七配楊氏贈夫人子男二  
人長即樞次日机女二孫男二曰勲曰杰銘曰烈  
陳公乘時奮庸荐剡馳一鶚橫空亦既登朝遂膺  
寵擇優游清班以典封駁執喪居廬制未克終承  
詔復起荐躋顯融授官即署銓衡是職繼二天官厥  
声籍、黎寇叛逆命將往征公贊戎机厥功以成蠻  
荒底寧爰立即縣公乃藩方夷俗丕變既还京師  
上嘉乃績乃授司馬屢加寵賜承命載行餘孽披猖負  
其險固出沒跳梁主帥恣驕而不持重輕敵以戰公  
言弗用寇勢益張公弗顧身力戰以斃捐軀成仁公

之忠誠以死殉國義氣英風有聲赫々褒典荐加恩  
命允隆高爵美謚用表厥忠既卹其家復官其子公  
其不朽有光信史三橋之原窀穸允咸銘以昭之万  
世流芳

兵部尚書許公神道碑銘廓

楊文敏公榮

汴之許州即古之潁川郡其士風端慤尚志節由是  
出者莫不著明於世若今之大司馬許公其一焉公  
諱廓字文趨姓許氏世居許之襄城曾大父居敬大  
父守誠父忠信皆隱德弗仕母王氏公生而岐嶷賦  
性醇厚齟齬之年即知務孝其父遣入邑庠受經遂  
領洪武己卯河南鄉荐明年試禮部弗偶入太學永  
樂丙戌擢錦衣衛經歷未几起授工科給事中復陞  
鴻臚寺左丞皆能奉其職歲壬辰拜工部右侍郎時

戰務業取勝公悉心殫慮以佐其長凡可慮工而利國  
者皆自奏行之事及於先朝者與命歸焉甲子

職務叢勝公悉心殫慮以佐其長凡可惠工而利國者皆奏行之事多就緒輿論歸焉甲午

太宗皇帝親率將士徃征北虜命公督運糧餉隨軍徃返六閱月而士馬給足人無暴擾乙未將營建北京命公提督神木廠事工繁而役重公益持謹慎始終弗渝己亥以交陞人戶田賦未有定規命公性理之公至察人心事宜與總戎豐城侯李彬掌交陞布政司事尚書黃福等議其可否遂還朝條奏其利害教

事

上皆嘉納之

仁宗皇帝即位念公勤勞中外政績有稱遷工部左侍郎授正議大夫資治尹賜誥命推恩贈其父祖皆如公官祖妣閻氏母王氏皆為淑人

皇上嗣位知公惇實可任益隆眷待宣德庚戌秋

民飢流離者衆

上以公大臣素為卿邦所重命往撫輯之至則旌廉黜貪勸善懲惡榜示有司弗得復有科擾禁豪右毋索取私錢凡夫匠雜役及諸采辦與積逋稅糧諸物悉奏免焉於是民皆趨走復業戴公若父母還朝

上慰勞甚至辛亥春正月降勅獎諭陞公為行在兵部尚書復賜誥命授資善大夫并加贈厥祖若父皆尚書祖妣及母皆夫人公荷國厚恩方夙夜經慮以圖報而遽以疾聞

皇上賜奠命医視疾竟不能起實宣德壬子六月十二日矩公生洪武丁巳三月辛巳得年五十有六訃聞上深悼惜遣官賜祭命有司治墳塋給舟車歸其喪公

卿大夫比皆去一哭而致奠致為配王氏封夫人子男四

上深悼惜遣官賜祭命有司治墳塋給舟車歸其喪公  
卿大夫皆走哭而致奠致為配王氏封夫人子男四  
長麟歿次繼廣繼文繼武卜以 年 月 日葬公  
于其鄉首山之陽其宗姪固子生昌率其幼子奉監  
察御史羅亨信所狀事行詣于請銘予昔與公有同  
官之好弗可辭惟公恣貌豐偉襟度夷曠且寬厚之  
德有通敏之才歷事

三聖荐沐寵恩詳慎縝密不驕不矜凡受任靡不竭盡  
心力是以官無廢事民庶樂康蓋卓然有大臣之風  
是以樹碑墓道以垂不朽予既為次序之而復絲以  
詩曰猗欤許公中土之英少克務季遭世太平發迹  
戎幕尋陟机要復陞鴻臚益臻榮擢貳卿之任佐理  
式勤益國利民謏日以振督運糧餉從征殘虜將士  
給足欢声載路于彼南交版賦未清具陳可否深協

聖情

仁皇嗣位益隆眷顧錫命推恩光照宗祖

聖皇繼統篤任弗渝命抚河南民用昭蘇迨進司馬聖  
書獎諭机務孔繁寔深倚注惟公砥礪理國如家經  
慮多方茂著才華尚未耄期遽尔遐棄

帝用嗟悼賜塋及祭恩命載臨哀榮始終勒石墓道垂

耀無窮

唐事府少唐事曾公墓碑祭

楊文貞公士奇

天之生才甚難也然高明強毅弘博竒偉智能勇略  
之士世未嘗乏用惟文章者不易得失探造化之悶微  
帝王之法通古今之顯滄潘融會而後出之上焉者  
發揮性道脩正人紀此聖賢之事不可凡及次焉  
者惟明義理紀述功德作為風雅以鳴國家之盛司



馬遷相如楊雄 班固韓柳歐蘇作者之事然亦代  
不數人焉信乎其難也國家自洪武以來有文之士  
其可以嗣遷固蓋有之矣

太宗皇帝御天下慨然欲作新人才興起斯文而襲飛  
第一科進士中簡明秀通敏者二十八人就文淵閣  
畫出中秘書俾進所業朝暮大官供膳月給內帑鈔  
為膏火費蓋期之於古人魯君子啓其首也君名榮  
時以第一人授翰林脩撰授承務郎遂晝夜淬礪文  
與李俱進

上時召試子啓迅筆千百言立就不費思索而理致文  
采皆到其苦心思索者有不能及

上屢舉群書隱僻事以驗所李靡不悉對以是深見獎  
重遂名聞天下明年脩永樂大典為副總裁五年陞

侍講授承直郎七年扈從巡北京教侍燕間應制賦詩並荷褒嘉後有荐文士於

上者必問得如曾榮否卒之考其能未有庶幾鼓及者

陞承德郎預備

太祖皇帝實錄十一年復扈從巡北京十二年考北京鄉試十三年廷試充讀卷官實錄成賜鈔襲衣文綺十六年考禮部會試陞侍讀奉訓大夫備天下郡志為副總裁二十二年考禮部會試

仁宗皇帝嗣位陞左春坊大率士仍兼翰林侍讀奉士日以經史進講文華殿從

皇上之南京還預備

太宗仁宗實錄宣德二年考禮部會試五年充廷試讀卷官兩朝實錄成賜金織襲衣銀幣陞詹事府少詹

事仍兼侍讀奉士賜寶帶子落為文章如源泉混厚

事仍兼侍讀李士賜寶帶子啓為文章如源泉混厚  
沛然奔走一瀉千里又如園林得春群芳奮發組繡  
爛然可翫可悅賦詠之體必律唐人興之所至筆不  
停揮狀寫之工極其天趣他人不足已嘗有餘四方  
求者無間貴賤日集庭下靡不酬應一時文人所作  
碑碣記序表贊傳銘詩賦流布遠近蓋未有如子啓  
之富者工書法草書雄放有晉人風致自解大紳胡  
光大後獨步當世儀貌魁偉襟度坦夷而精神灑落  
善譚論簡而有味良辰清景擇勝而遊未嘗以事廢  
其天性孝友慈厚喜獎拔士類交際有始終之義急  
人之急無論識與不識平生以及物為心使之臨民  
必有所濟惜其仕三十年恒以文奉在侍近所及者  
未廣也素有疾疾一日侍朝遽引退

上遙見之勅免常朝宣德六年冬疾大作命太医視療  
明年正月二十一日卒訃聞

上為悼惜贈嘉議大夫禮部左侍郎遣侍郎章敬賜祭  
命有司營塋給舟還其喪朝臣自公侯尚書以下皆  
臨奠春秋六十有一嗚呼人才之難成也一代之文  
人如子啓何可多得而今已矣蓋悼惜之無間言云  
曾氏世家吉之永豐其高祖晞顏宋兵部侍郎江西  
湖南廣安撫使元贈武城伯妣蕭氏曾祖選申元應  
奉翰林文字同知制誥兼國子院編脩官與其兄翰  
林直學士德裕皆有盛名于時妣胡氏祖如瑤集賢  
院司直妣周氏考淑本洪熙初以子啓貴贈奉議大  
夫左春坊大學士兼翰林侍讀學士而贈其妣張氏  
宜人其配鍾氏封宜人子男三柅積种公之易箒也

以身後事屬建安楊公及余楊公既為著墓銘余為  
書其墓石而系以詩曰即出有復以復翁由川水村

夫左春坊大率士進學... 宜人其配鐘氏封宜人子男三拒積神公之易望買九

以身後事屬建安楊公及余楊公既為著墓銘余為書其墓石而係以詩曰鄣出有夏少康裔曲列啟封

國為氏去邑為曾適魯仕郕國聖季述傳義親承素

王道統系後十餘葉新莽際爰以闔宗徙南避宅盱

與吉心洙泗章逢蟬聯如柳比歐陽之卿吉之委宗

元連綿起祿位天啓文運赫昭晞公奮而具屬隆世

天經煌：表人瑞影纓垂組侍廷陞操觚含毫應

帝制岷江萍洋萬里勢春空澄明雲錦麗重瞳回矚

天容霽紀功述德封金匱操執杖衝品文藝宏章大什

耀海內朝陽和鳴風翺：儒林翹：拔其萃矜惻焚

溺懷惠濟惟仁攸存未弘施沒奚憾兮此賈志

尚書文襄周公言行錄 忱 楊尚寶 庶

周忱字恂如江西吉水人進士歷任永樂宣德間官

至工部尚書卒年七十三謚文襄

太宗簡進士曾蔡等二十八人入文淵閣俾進李公自

陳願進李其間

太宗喜曰是真有志者命增為二十九人改翰林庶吉  
士旦暮大官供膳月給膏燭之費公感激自奮于李  
與備永樂大典歲壬辰授刑部主事公為人既精敏  
而又盡心簡牘者所推識無不曲當蕭鎡撰墓志

公擢工部右侍郎巡撫南直隸初蘇州稅糧負欠七  
百九十餘萬石常松亦然公至詢父老皆云蘇松民  
倍大戶不出加耗以致小戶連累納欠公乃使大小  
戶一例加耗官降斛斗久失糧長徃之私造大入小出公  
奏行南京工部鑄造鉄斛發屬縣依造木斛較勘烙  
印給与糧長收槩於是出入均平蘇州糧額二百九

十餘萬石公同知府况鍾奏減八十餘萬石舊例不

奏行南京工部鑄造銀兩... 印給手糧長收票於是出入均平蘇州糧額二百九

十餘萬石公同知府况鍾奏減八十餘萬石舊例不許團局收糧長自徵收公曰此負欠之由也遂令各縣於水次置團編固聚一處糧長一人總之名曰總收定與加耗總徵平米上固每固設糧頭固戶各一名管收置立撥運文簿支撥起運加耗者正糧一石收平米一石七斗候起運之時酌量支撥如京通等倉遠運正米一石支與三石臨清淮安南京等倉以次定支置立綱運文簿聽其博淺等項費用填註回銷支撥羨餘存積在倉號曰餘米次年餘多令加六徵收又次年益多令加五除依前撥運外仍有附餘令各縣造倉一所名曰濟農將逐年撥運剩米運入以備賑濟或農民缺食及運夫遭風被盜者賑給借納秋成抵斗還官修築圩岸開挑河道人夫閏納

口糧秋成不還其賑濟農民每歲插蒔之際於中下  
二等戶內驗其種田多寡給之秋成隨糧還官若遇  
凶歲則再賑之不還者不復給往時裏河運糧軍民  
相半軍則官為打造淺船民則自行顧船裝運經年  
往復多失農月公乃與平江伯陳瑄議奏軍民令於  
淮安瓜州等處水次對船交兌令衛所出給通關付  
還銷繳在淮安正糧一石兌與平米一石五斗瓜州  
兌與平米一石五斗五升如各處并南京衛所運糧  
官軍未曾過江者聽於蘇松常鎮等府縣交兌加與  
過江船錢米二斗豐年米賤兌與加七五升凶年米  
貴兌與加六五升襯墊蘆席折米五合方兌船在江  
或遭風公又令州縣支糶餘米蓋倉二十餘廩於瓜  
州江畔遇到船糧搬入收貯聽候交兌畢日量支餘米



或遭風公又令州縣支糶餉米蓋倉二十餘月  
州江畔遇剝船糧搬入水貯聽候交兌畢日量支餘米  
顧人看守古穰雜錄

民間馬草每年運赴兩京上納若北京每包草一千束該用五百料船一隻人夫十五名草束在船十壞六七所費不貲公奏於通州草場設立官庫每束折收白銀三分一千束止用白銀三十兩若南京則輕齎赴彼買納人皆稱使

書

北京文武賤官俸糧皆領票於南京戶部關支當米賤時一兩可買粟米七八石公因會議奏准折支金花銀兩納官每兩准米四石解運京庫交收折支京官俸糧嘉定崑山等處折納官布每疋准正糧一石舊例驗收務重三斤糧解領布到官率因紗麤不堪觀驗十退八九公知之奏稱布疋斤重紗麤其價反賤紗細布輕其價乃高乞不拘斤重務在長闊如式

兩頭織造色紗以防盜剪之弊從之

各處走遞馬匹及鋪陳等件死損多被馬頭科逼民財買補歲無虛日公創法每田一畝收米一升九合隨糧帶納另覈收貯遇有死損驗馬上中下價直給米備用馬頭科歛之患遂息

正統初淮揚地方被災鹽課虧欠公奉詔巡視乃奏令蘇州等府將撥剩餘米每縣量撥一二萬石運赴揚州各鹽場收貯照數出給通閏准行各縣下年預納秋糧其米在場聽令竈戶將私鹽於附近場上分納卽照時價給還糧米食用于時米貴鹽賤官得鹽課積聚民得食米安生上下賴之

十四年邊事緊急工部移文造鹽甲腰刀撒袋以數百萬計其盭俱要水磨明亮公取餘米依數成造且

計水磨明盭非遲歲月不可暫令撥錫以副急用處

十四年功事既急工部移文造監甲陽不排集  
百萬計其區俱要水磨明亮公取餘米依數成造且  
計水磨明區非遲歲月不可暫令撥錫以副急用處  
事周而敏多類此

公在南圻凡二十二年兩遭喪皆起復視事

蘇松一帶稅糧有五六年未完者朝廷遣官催促相  
繼終未能完遂奉忱為侍郎往任之忱為人謙恭言  
若不出口謀慮深長一切破崖岸為之虛心訪問無  
採衆論不一二年累欠之累數皆完羨餘之積日見  
充溢小民賴以賑恤歲凶無慮歲輸京師之米甲於諸  
省朝廷每勞其能亦善於附勢中官王振極重之官  
其地者無虛日人人得其所欵釋子建造者必往求  
之所獲必過望 並古穰雜錄

上任既專公亦盡心於其職為人謙恭不立崖岸言若  
不若口謀慮深長善采衆論征輸皆有常度貢賦未

嘗稽欠且有贏餘遇屬郡有荒歉卽以便宜從事撥  
餘米以補不足之數凡官府織造供應軍需之類盡  
出於所積餘米

蓋民賦歲一石五斗之外

漠然不見他役之及而官府無復科率之擾諸縣季  
校先賢祠各郡橋梁河道多所脩葺濬治一切取諸  
餘米人爭為立生祠沒因以祀之其後戶部言濟農  
餘米失於稽考奏遣曹屬尽括歸之官於是徵需雜  
然逋負自若人益思公焉

長史金寔送公還東吳詩云公當永樂初讀書文淵  
閣之下四庫書我實司管鑰繙閱寔古今寐寤攻製  
作氣若橫海鱣志欲吞恒嶽駿如汗血駒千里思一  
躍時雨沐春葩鵜膏淬霜鏑拜官屬司寇利器遇盤

錯無情不得盡焉用施敲朴中年樂散地娛嬉事棋

躍時雨沐春葩  
鶴膏淬霜鏑  
拜官屬司寇  
利器遇盤

錯無情不得盡  
烏用施敲朴  
中年樂散地  
娛嬉事棋  
槩巧匠高縮手  
無地施善斲  
天生有用才  
豈俾久寂  
寞忽如鵬  
快風萬里翔  
寥廓東吳財  
賦疆國用之所  
託料量出心計  
調度歸掌握  
守令受成筭  
里胥奉條  
約富豪絕兼併  
農田遂耕獲  
官儲足賑貸  
私負釋纏  
縛雖遭大侵歲  
不致填溝壑  
小民相與言  
輒以手加  
額自從相公來  
濟利誠溥博  
既無倒懸苦  
迺有却田  
樂相公朝天去  
還期在冬朔  
屈指筭歸程  
扶攜候江  
郭東南數十郡  
到處省民瘼  
潤如甘雨零  
明似福星  
灼丈夫得如此  
豈負平生季

竟非集

季博而邃  
禮和而恭  
茂著才猷  
爰作司空  
撫綏南服  
國計以豐  
民無移粟  
歲不知凶  
惇大成  
禘乎有容  
沒而尸祝  
人仰休風  
二十八宿  
孰能右公  
彭韶撰贊



浙江圖書館

Faint, illegible text visible through the paper, likely bleed-through from the reverse side of the page.

皇明名臣琬琰錄卷之二十二

刑部尚書魏公神道碑源

王文端公直

正統九年閏七月二十七日刑部尚書魏公以疾終  
于家事聞

上為之嗟悼遣官賜祭命有司治塋事在朝士大夫亦  
莫不惋惜致賻奠先是公有足疾詔俾釐務免朝叅  
久之未能愈公嘆曰食君祿而不一造朝心豈能自  
安八年二月拜疏乞致仕

上憐而許之降勅慰且賜鈔三千貫歸一年而終年六  
十三公諱源字文淵幼而岐嶷喜讀書習於禮節十  
三能屬文嘗作桂花詩為時輩所嘆賞選為孝官弟  
子永樂己酉以書經領鄉荐明年取進士拜監察御  
史所至奉其職松江知府黃子威被誣不能白公為

辨其枉浙東傍海民困於漁課為奏減之西安大疫  
民間比屋不能具督有司具醫藥往療全活者甚多  
涼州有寇將大為民患公廉得之亟請兵殄除民得  
免害父母相繼卒皆奪喪起任職為御史九年陞浙  
江按察副使未几召还署刑部右侍郎會河南旱飢  
民轉徙乃命公為河南左布政使至則發倉廩以賑  
民奏免逋賦省繇役及諸不急之務一以安民為事  
民稍來歸而雨亦大至是歲有年召為刑部左侍  
郎食從二品祿或言四川边務多弛廢命公往理之  
明罰飭法衆務備奉還朝拜刑部尚書獄無滯囚凡  
公所决断者人人自以為不寃時

上注意邊事又命往西邊督察諸將謹防邊以便宜從  
事遣都指揮李謙守獨石楊洪副之劾奏指揮杜衡

等慢令少當死諸將始嚴憚不敢肆自天城抵朔州視



上注意邊事又命他官守獨石楊洪副之劾奏指揮杜衡  
事遣都指揮李謙守獨石楊洪副之劾奏指揮杜衡  
等慢令當死諸將始嚴憚不敢肆自天城抵朔州視  
要險地宜守者凡八分命諸將守之請增脩開平龍  
門城使高大皆甃以甃庶可守又自獨石抵宣府增  
致墩堠發開平龍門兵併力為之屯軍免其租一年  
凡諸大城堡請給神銃火藥嚴為備

上皆從之再遣勅嘉勞為時諸軍有勇壯者依托权豪  
以避役公悉搜括歸伍中权豪側目一弗顧既而病  
足不能朝遂以此致仕大夫君子皆惜其去而亦莫  
不以為荣公忠厚坦豪孝於親友於兄弟睦於宗族  
而信於朋友與人交必依於仁義其襟度夷曠洞見  
肺腑事有可疑者得公處之衆無不愜意凡公所莅  
人至今奉嘆不能忘魏氏先居南昌之奉新後乃徙  
建昌故今為建昌望族曾祖父卿祖庭都父伯泰皆

有德義而不仕及公貴祖考皆贈資善大夫刑部尚  
書妣皆贈夫人公娶盧氏四子鑑鐸欽銓側室石氏  
生一子曰銘孫男十二瑛瑞璋瑾環珮珂珪珣琰  
玼公以 年 月 日塋于邑之甘泉鄉 之原鑑  
來京師謁予告曰先人不幸棄諸孤朝廷寵終之禮  
厚矣惟墓道石宜有文以示久遠非先生誰能為敢  
以請予最知公不可辭乃為序述其事而系以銘侃  
侃魏公有美在中乘時而升事我

太宗始為御史職是憲紀爰副外臺表 俞為方伯之  
尊遺受實全遂陞秋官 浙用不究

皇抚萬邦威制夷狄公行邊師武臣竭力雖 邊城隆  
隆軍聲萬里塞垣緘塵不驚公既勞兵簡在

天子以疾而休是謂知止邦家之光閭里之榮溘然上

征為風為霆甘泉之山神道有石揭德振華以示亡  
極

兵部尚書柴公墓誌銘車

全前

公諱車字叔輿姓柴氏世家錢塘靈芝鄉之義谿曾  
大父諱茂有隱德大父允明父望皆以公貴贈嘉議  
大夫兵部右侍郎母嚴氏贈淑人公自少聰敏喜季  
遊郡庠從徐大章先生受春秋季成領鄉荐遂入太  
季諸生多推讓之永樂甲申擢為兵部武選主事即  
以勤慎得名未几陞員外郎己丑

太宗皇帝北征公與方尚書從行凡軍務倚辦於公  
隨機應變無留事凡官屬從公者又能庇佑之衆皆  
樂從及還陞江西叅議時營造事嚴公入閩中取大  
材丁夫之貧病者公處之有方故能集事而民不告

勞初經廣信太守與公有舊覬窺一嬰疑其重發視  
之皆白金笑曰此所謂故人知君、不知故人卒拒  
不納至閩縣有婦人抱嬰兒哭訴曰天亡田產見  
奪於豪橫公察其實移文所司斷還之歲餘入為耿  
方郎中耿方事最繁公治之有餘力會謠言當有變  
詔沿江諸郡擇賢守以公知岳州公鎮以靜民安之  
岳州有江湖之險官船來往當役民上下挽送多或  
至千百人暮夜促召不能禁公私病之公計主客戶  
有丁几何約三丁役一丁五十人領以總甲署其名  
小牌百人領以百長署之大牌視之役多寡用之牌  
下皆來集無後者民得蕃休皆便之公事之暇則至  
孝宮與諸生講孝或行田間視耕穫賞勤而戒惰居  
三歲郡大治復召為耿方郎中丁內艱奪情俾任事

宣德庚戌陞兵部右侍郎公素有才望人徯其進命  
下皆為喜轉左侍郎時殘虜假息塞下西鄙戒嚴朝  
廷命特徃經畧之以公重臣俾叅贊軍務凡發卒蒐  
騎積糧餉為戰守備皆有條法

上嘉之賜織金綺衣一襲先是虜入鎮番副總兵劉廣  
自涼州出兵徃接遇虜而退虜隨逼涼州廣閉門不  
敢出虜大掠而去廣不以實聞反奏功微賞公劾其  
罔上又陳其欺誑不法事甚悉請必寘之法詔械送  
廣父子至京師又劾奏寧夏等守將失律亦召還  
上益以公、廉詳慎為國尽忠賜白金三十兩文綺三  
匹有副公前後章數十上皆剴切人或以後患休公  
公曰吾敢愛身以誤國耶由是同事者或不悅其所  
為公亦惡其樂燕樂忽大計遂斷酒肉澹泊以自處

凡燕樂皆不与而持論益堅必執理守正每有功賞  
雖勅下必覆驗而後行詐冒必糾正無豪髮私岷州  
土官都指揮僉事后能以家人冒功得陞賞公奏罷  
所陞官能復以為請

上宥之公反覆論不可曰詐冒如能者非一人臣方按  
覈皆請罷今宥能如餘人何若無功而得官則捐軀  
死敵者何以待之朝廷倘以后能土人宜寬假則以他  
名賜之爵人莫敢援例若冒詐而陞臣實以為不可  
詔嘉公忠誠遣使賜白金四十兩綺帛各四疋特命  
食從二品祿秩滿陞尚書仍理軍務既而事平西師  
亦解戾庚申召還賜以羊酒命視事且侍經筵聽講  
其年八月告歸省墳墓

上可之然尚欲託以邊事命公速來則鈔五千貫遣焉

辛酉三月公還朝已感疾命太醫日往視予善藥樂翼

其年八月... 上可之然尚欲託以邊事命公速來則鈔五千世奠遺焉  
辛酉三月公還朝已感疾命太醫日往視予善藥冀  
速愈而公疾益甚數驚悸起曰誤事誤事命速治行  
盖心不忘其身之病也

上聞之而憫焉俾還鄉治疾未行疾大作竟不起六月  
二十五日也享年六十七娶王氏封淑人子男三拱  
抃抵孫男一訃聞

上為之惻然遣禮部尚書胡公洪往祭之命兵部給舟  
楫還其喪工部治喪事抃乃以翰林侍讀李士苗先  
生所為狀謁予銘竊嘗念之朝廷之於西事盖慎重  
矣嘗宿劬兵任良將又輟近臣往臨之欲以安內攘  
外然其忠於上仁於下不為利回不為勢屈者盖無  
凡是安攘之効不立迨

天子赫然更命將帥而公等夙夜圖議振頽綱去弊事

明賞罰以示勸懲而人始知有法思奮其材武以從  
征戈之功名於是殘虜影滅跡絕而

天威振動於万里之外矣今邊鄙晏安烽火不作雖神

謀睿筭使然而公等之功亦豈細也哉宜

聖天子悼念之篤而恩禮之周公之大節如此若其交

友敬臨財廉奉已有度待人有恩不附勢以干利其

矣蓋不可勝書姑序次其大者而為銘使後世有考

焉其墓以一年月日其墓在之原銘曰允

毅柴公季以植躬遭時而升遂躋顯融三十餘年出

入中外克一其心以熙

浙

帝載帝曰西顧予歆汝為殄此寇戒汝往視師維公竭

竭群志爰發乃暢

皇威幽遠畢達邊塵不驚公与其功何以致之繫公之

忠天不勅遺國有典禮寵崇式多哀念無已松柏先



忠天不勲遺國有典禮寵崇式多哀念無已松柏九  
有蔚其阡刻銘垂休何子百年

右僉都御史凌君墓表安然

同前

宣德九年八月十五日中順大夫行在都察院右僉  
都御史凌君晏如以疾卒于官年五十三朝廷為遣  
舟歸其喪于湖州歸安縣將塋于所居琅琊鄉山  
之原其幼子啓既請右都御史熊公銘其墓矣復來  
請予文表諸墓上曰啓之兄敬以奉祖父不克來京  
京師今歸有期亦不能俟其來也故咨敢以請凌君  
嘗入翰林季子接有同朝夕且相知義不可辭君諱  
安然字晏如自少力問季尤工書其楷書季習小篆  
則師秦相早有名鄉邑

太宗皇帝銳意文藝必欲追配古人君優游館閣益自

勵務欲稱上意

仁宗皇帝在東宮雅知之常令繕書以進令藏于秘府  
永樂十五年擢拜吏科給事中以恭慎奉其職日侍  
上左右有所顧問敷奏詳明同輩皆推服焉

仁宗皇帝即位陞吏科都給事中益恣懋不懈人未嘗  
見其有過奉令

天子即位三年大正庶官以脩百度以君為右僉都御  
史蓋是時持憲者多以賄聞由是用君其間君感

上知遇確然自守不為衆所惑思欲稍拯其弊事不可  
即懇為其長言之多見聽從然猶膠筍牢密君未  
及有所振牽而以內艱去蓋在任不二年君去而其  
長及凡附託者皆得罪矣服闋仍為右僉都御史兵  
部以武職貼黃久不清請會官清理如故事

上以命君：與翰林侍讀苗君秉比皆從事於此同力一

部以武職貼黃久不清其明會官清理如故事

上以命君：与翰林侍讀苗君襄皆從事於此同力一心罔有漏失有顏鎮撫既卒子孫當一人繼乃復以一人冒官三十餘年無覓者君閱其寔乃奏罷一人又着令凡武官有請難功而無子者不忍絕其祿得以婿或义兒一人繼不再及也有張指揮者既以义兒者繼矣又欲冒及其子因有所調發託統帥以疾豫以子代亦十餘年矣君亦奏請罷之其臨事用心不為皆坎類而不能久於世豈非可惜哉曾祖祖德皆不仕父彥能官至應天府通判坐累罷居均

州

仁宗亦知其為人因君為都給事中即令冠帶造朝以都給事中致仕歸湖州今加封右僉都御史君幼娶周氏卒有一子曰敬再娶唐氏四子曰啓肇敦敷於

乎自古聰明才俊之士遭時奮身皆有志於功名以  
顯當時傳後世然而不至於大有建立而卒如君何  
限蓋莫非命也使君得永年其所立豈小哉今雖不  
幸而其居官行事之善不可以泯也故表諸其墓

副都御史賈君墓碑諒

楊文敏公榮

天眷我

皇明挺生俊人列于庶位以理政務至于內佐風紀振  
憲綱而外播恩威除姦宄植善良者若正議大夫資  
治尹行在都察院右副都御史賈君亦其人焉君諱  
諒字子信其先克之武城人洪武初徙家嶧山之陽  
祖志剛父旺俱不仕以君貴悉贈嘉議大夫都察院  
都御史祖母顧氏母魏氏俱贈淑人尹自幼卓犖穎  
拔異群兒由邑庠生應永樂辛卯鄉舉升太學

太宗皇帝時選侍皇太孫說書講論詳明深沐眷待歲

甲午擢刑科給事中

宣宗即位陞今賊委任既重君愈敬慎凡所施為務悖  
大体不事末節夙夜匪懈稱厥職遂得推恩贈祖父  
母父母以及其室焉初君在刑科也克體朝廷欽恤  
之意獄有寬抑即以為言或至再三必得請乃已人  
或言其執奏太過君曰近侍以言為職苟知而不言  
其如人之寬抑何江淮間賊徒操舟劫殺番使君受  
命往捕既至以計悉擒之按行鈔法于京都人不之  
駭鈔以流通密察百賊發姦擿伏人不敢犯其居內  
臺也詳讞重囚務求其生必辰無可生之理而後已  
江右豪民肆毒君往按之得實悉寘于法良善獲安  
川屬姦盜作梗惟捕其首惡餘黨解散及奉命督山

東茅處陶冶奏減工程蠲免虛歛民力以紓今

皇帝即位首令往鎮湖湘撫緝有力陟黜惟究巡視淮  
濟賑活飢民十餘万督築固安隄阿道疏通人不知  
勞迹因徐州強賊反獄潛處芒碭間賜為民患復奉  
命捕治還至荻平溝疾正統己未正月十有四日卒  
于德州訃聞

聖上嗟惋遣官諭祭命有司為治塋事君生洪武壬戌六

月十日得年五十有八配石氏側室郝氏蔣氏子男

三俊傑偉女四俊以下卒之歲 月 日奉君柩塋

于城東馬青社先塋之次先期奉翰林編脩許道

中所述行狀泣丐子銘其墓于於君有同朝之雅歷

行官已亦所聞知狀復稱君篤於事親始終尽礼兄

子儀早孤撫育無異己子茲又仁德推于家者也若

君者可以為不銘：曰惟天生賢以時登庸輸忠服

君者可以為不銘。曰惟天生賢以時登庸輸忠服  
勤代理天之猗歆賈君遭逢盛世擢官黃門克稱  
于位天憲有佐特然超近粵自筮仕迄今有年惟忠  
惟勤終焉如始為國為民匪私于己風猷茂著  
列聖受知中朝外服績用咸熙命雖不永所存者久勒  
銘有碑庶傳不朽

章尚文傳啟

楊文定公傳

尚文名敞世居會稽高祖斌宗景定中鄉舉第一祖  
君乘父可道世有善聞尚文穎敏有智畧初補郡庠  
弟子員日以讀書攻文辭為事服食之需不計其有  
無永樂癸未以詩經魁鄉試明年第進士入翰林為  
庶吉士同狀元曾榮而下二十八人績李文淵閣預  
脩永樂大典授刑部江西司主事尚文究心理斷訖

無寬滯久之復入翰林纂脩輯五經四書性理大全書  
成受重賚時山西有盜掠人財詔有司亟捕之逮至  
數百人尚文適當其事上官督之甚急尚文曰殺人  
重事豈宜率易徧鞠之皆有辭一人辭色獨異尚文  
收其辭色異者餘悉疏之俾明日復來明日亦如之  
衆皆如約勘其為盜者果一人衆始為尚文危終乃  
深服之有何千戶者商數輩莫宿其家被劫商疑何  
、訴之官恐不能自明乃縊死事聞詔巡捕者三日  
弗獲抵死既三日不獲則拘隣何者二十餘家別楮  
幣證其為盜尚書詰之曰商遠來而楮幣約皆新何  
也捕盜者不能隱遂首伏二十餘家皆得釋未凡陞  
本部員外郎授奉訓大夫復陞本部郎中丁外艱歸  
起復行在吏部考功郎中洪熙改元賜誥命授奉議

大夫推恩父母丁母夫人憂服除調驗封郎中尋陞



大夫推恩父母丁母夫人憂服除調驗封郎中尋陞  
行在禮部右侍郎進階嘉議大夫加封父母及祖父  
母如制奉詔往安南命奠首黎利權署國事尚文宣威  
德龍言服利郊迎拜使者常下利令所親給事左右  
數進甘言誘以声色尚文正色遏絕之及還賂以金  
珠異物多方致之尚文堅却不受及利死朝廷以其  
子麟署國事復命尚文往諭之閔吏曰此天使前却  
金者再來矣比還麟所賂皆却之不敢更進平陽王  
復封晉而恭王嘗所以有田土及護衛官軍房舍有  
司莫能處分王以為言詔遣尚文往理之至則勘其  
田土悉歸王府房舍驗所有軍士給之餘悉以居民  
王樂從之復迁左侍郎與尚書胡公協謀國家典禮  
前後墮益不同吏無所擬或緣奸乃取國初以來所

行條格籍記之於是司屬遂有所持循太醫院醫士  
妄牽鄉人為醫以復私怨時為積弊秦革之僧道請  
度牒者歲以千計奸偽日滋請導洪武中列循旧額  
三歲一給其有奉任僧道官者不許越州郡由是奸  
偽者漸息會同館四夷朝貢者日給廩餼往為監臨  
侵尅乃嚴為閔防以副懷柔之意尚文為人尚誼氣  
調卹朋友曲尽其道不以患難死生為輕重平居簡  
靜遇朋友談笑戲謔襟度豁如然絕口不道政事及  
臨事井然有條為文簡潔所著有質菴稿藏于家壽  
六十二其子瑾正統丙辰進士克世其家云論曰士  
君子抱負才氣脩志山林無聞於世者何限哉尚文  
際明時為顯官處順安常克諧所事蔚然有声称書  
曰時人斯其惟皇之極有以哉

際明時在野官外惟安常克諫戶事爲用有  
日時人斯其惟皇之極有以哉

右春坊右諭德黎君墓碑銘 恬

楊文貞公士奇

右春坊右諭德黎君以正統二年十一月謁告歸清  
江得疾卒于家其孤統以翰林侍讀習嘉言所狀事  
行求書墓碑余聞而哀之曰嗚呼黎君之擢第也為  
良進士入風憲為良御史於長民為良郡守於近侍  
為良輔臣柰何遽止於斯乎黎之先見余所作其考  
墓表其曾大考允誠大考惟瑋考宗瑞妣邱氏以君  
貴考贈右春坊右諭德妣贈宜人君兄弟三人其季  
即君諱恬字潛輝天資清淑生六七歲知慕孝問累  
從明師得其旨歸而自進其功永樂壬辰擢馬鐸榜  
第二甲進士無凡丁內難去服闋除陝西道監察御  
史以正直揚風裁歲辛丑朝廷以災異求言群御史  
同上奏實君且首歷詆大臣之任事者無憂國恤民

之心剴切激厉無顧避

上曰御史言是任事者不能堪後薦御史之才可用於  
上皆陞知州而處之遠方君得交趾南灵州尤僻遠君  
怡然曰聖人不鄙九夷我何人哉既至教愛其民如  
子民皆父母師事之政化既行會黎利反其衆日盛  
總帥王通孱弱不能制為吏所恟遂矯制勒三司郡  
縣官吏悉解職守隨通北歸君時在行既歸通及協  
謀者皆坐法朝廷以事不出於衆悉置不問宣德七  
年士竒率同官言黎恬文孝操行可任近侍遂命為  
右春坊右諭德授奉直大夫時春坊事簡奉旨入翰  
林院與蔡述考最賜誥追贈其考妣預脩  
宣廟實錄簡克經筵官奉命考禮部會試者二用心公  
正時多得人遂謁告歸展先墓賜道里費給驛舟既

展墓樹碑墓側退而洽其親戚鄉里懼甚將行得疾

正時多得人遂謂告歸展先墓賜道里費給驛舟既  
宣廟宋鉅簡克然過宿奉命赴社部會試者二月  
展墓樹碑墓側退而洽其親戚鄉里懽甚將行得疾  
醫藥久弗效以正統三年正月廿二日卒享年五十  
有一君篤孝友之行而磊落有大志耻屑屑流俗事  
孝博而正論訥沛然為文章波瀾藻麗而根於理存  
心公平於論人之邪正事之枉直靡不服之尽心公  
務未嘗苟且非其人弗与処容色潔白如玉儀度恭  
肅人不可犯而雅度灑落良朋勝友卒然邂逅詩酒  
倡和醜酢率極權而器其藏脩之齋名熙之所著有  
詩文集若干卷其娶先教氏贈宜人繼王氏封宜人  
子男四統縉頌生顯生孫男二昇生冕生其葬以卒  
之歲某月日塋其原与教宜人合葬焉黎君余考礼  
部會試時所取士又以同鄉故相知深而相与久其  
仲兄慎兄子經皆有文孝於余往还余嘗謂清江自

劉氏公是公非而後有一家三人聯璧輝映者今再  
見於黎氏居無所慎卒經又卒黎君每向余道其兄  
与姪未嘗不泣下余亦為之感歎豈意又於今哀悼黎  
君哉銘曰清江之黎代襲詩禮繇金三州徙坂城里  
自其高曾潛德弗楊迨其大考武并奮庸卓潛輝  
篤志問孝升自賢秋空鷓鴣鐵冠白笔兆面在科廷  
用振憲紀用張國經觸邪指按動植有知昔之所奉  
今惟行之既斥遐僻俾治夷類不賤鄙之躬勤撫字  
夷亦有心曰我仁侯父之母之而肯以充既陞桂芳  
所取輔導詞苑經維在浙

帝左右方將顯庸曷殞逝亡栢松中仆不至柱梁嗚呼

潛輝其藏我銘後有考徵庶其猶生

春坊諭德林君墓誌銘志

楊文敏公榮

宣德二年五月辛亥奉訓大夫右春坊右諭德兼翰林侍讀林君卒于官交游之士莫不為之傷慟臨終之夕其孤雲瀚適自南京至幸獲一見不及有所言而絕食可哀也將奉柩歸葬于鄉某山之原乃匍匐涕泣以翰林脩撰王君鈺所述行狀來乞銘予與君同鄉又同官而素相好非可以辭按狀君諱誌字尚默晉黃門侍郎頴之後頴從晉元帝渡江居建康其子祿由散騎常侍出為閩之晉安太守子孫回家焉是後有仕為宋御醫院使諱古松者君之五世祖也曾祖諱清祖諱顓父諱具音隱德弗耀母游氏宋監察御史廣平公之後嘗夜夢梁僧室誌入室而生君因以名為幼穎悟其母嘗口授經傳即朗然成誦在髫髻時以喜為文辭後從季于王你蓋陽極好辯論

因字之曰尚默將弱冠撰入郡庠益自勤勵於經史  
子集旁及天文地理星命醫卜之書無不研審而尤  
工牽業性至孝父早世事母益謹或有疾則憂形於  
色親調湯藥不敢輒離左右及母歿家雖貧薄而殯  
殮葬祭一於禮而不敢永樂辛卯鄉試壬辰會試皆  
第一殿試賜進士第二人授翰林編脩考滿陞脩撰  
嘗纂脩五經四書性理大全古今名臣奏議郡邑志  
書辨論精確勤於編述迴出俦輩甲辰秋九月陞侍  
讀尋陞右春坊右諭德仍兼日職陞奉訓大夫給二  
休嘗兩為京闈考試官去取惟公士子敬服洪熙改  
元蒙恩賜誥得推恩追贈其父如君之職母為宜人  
每痛二親不逮祿養語及必悽愴終日蓋君治家險  
而有禮待宗党極厚族弟喜孤幼無依養於異姓取

歸撫育迄于成立勸子姪讀書言不輟口聞有領薦



每痛二親不逮補養及必情情終日蓋君以家  
而有禮待宗党極厚族弟喜孤幼無依養於異姓取  
歸撫育迄于成立勸子姪讀書言不輟口聞有領薦  
者輒家慰勉與鄉人周旋款洽不事矯飾鄉人亦多  
敬愛之事其師孟陽最謹孟陽後為翰林檢討以事  
沒于京為之經益家事以反以妻子于閩迎僚友必  
誠必信於人無所毀譽在朝十有五年入則恭勤趨  
事暢然警勵雖隆冬盛暑不自知其為勞退則靜坐  
一室優游踈散醉吟自適淡然若與世事不相于者  
家居時郡庠後進多從之游若今湖廣叅政黃澤浙  
江按察使林碩輩皆親及門受業時多推其孝問有  
源委以為吾閩之傑然者自號節齋又號見一居士  
所著詩文確健簡古多為人所傳誦與脩  
二聖實錄方擬告成歸省丘墓展焚黃之禮而乃以是  
春疾作自知必不起遂請于朝得告而即日加劇第

奄：一息以待其子之至而卒其生洪武戊午八月  
四日至是享年五十配陳氏有淑德封宜人子男二  
人長曰雲瀚次雲灑女三人嗚呼幼孝壯行君子之  
志也惟君荷聖朝教育之恩孝既有成官兼顯秩可  
謂榮且盛矣亦可謂德行其所志矣烏可以無銘其  
辭曰林氏之先閩閩以崇粵自建康姑居閩中歷世  
相傳其積彌厚發之於君獨稟其秀孝友篤志信誼  
卓然孝有源委思如湧泉爰擢巍科超出流輩拜官  
翰林詞益霽霈編摩纂述克慎克勤侍讀講筵忠賢  
是陳輔導春宮歿所裨益考藝京闈公論籍：不盈  
以矜志節允堅無毀無吝罔不推賢善積厥躬惟君  
之德孝淑諸人惟君之澤閩山蒼：閩水汪：藏石  
于斯百世不忘

皇明名臣琬琰錄卷之二十三

吏部尚書黃公神道碑宗載

王文端公直

宣德十年

今天子嗣太寶位臨萬邦顧南京根本重地建置百司而置吏部為之首宜得謹厚大臣往泣之九月以命吏部左侍郎黃公宗載陞辭之日詔進為尚書以行士大夫知公者莫不奮歎以為宜在南京八年以老疾求致仕

上初不許章四上乃許之歸豐城故第又九年七十以九疾終計聞命禮部致祭工部為始墳塋明年十月二月廿一日塋于其鄉梨樹岡之原塋已其子儒剡來謝恩闕下詣予拜且泣曰先考之塋朝廷寵終之禮厚矣於今得樹碑神道而未有聞敢以請予少於

公而辱交久誼不可辭黃氏於豐城為大家公曾祖  
仲軒有隱德祖以仁考子貞以公貴俱贈吏部侍郎  
進尚書妣皆贈淑人進大夫妻余氏亦累封至夫人  
公自幼喜孝年十五已能為里塾師為郡庠弟子  
從熊伯机受春秋遂取進士為行人謹於自治奉使  
四方未嘗受饋遺歷左右司副為司正以父憂去治  
喪無違禮不飲酒食肉者三年服除領回賊永樂癸  
未以賢奉授湖廣按察僉事時湖廣諸道惟銅鼓五  
開最難治分巡刷卷者多憚行蓋天下巨姦宿猾皆  
謫戍其間善舞文弄法與事撓官府而陰把持其  
短長往者欲稍按治即糾結如沫漆不可解欲一切  
漫漶則見啞無可柰何多避不肯往公至當刷卷即  
毅然治行到武夷問風俗知其人苦於從軍女子惡

為軍婦不果嫁男子則慮婦家往從戍而以徭賦累

為軍婦不果嫁男子則慮婦家往從成而以徭賦累  
已不果娶至年三四十猶獨處公召鄉老里正諭人  
道大端俾轉相告語務嫁娶以時不踰月成婚姻者  
三百餘家他縣聞風皆樂從俗為之變乃榜諭銅鼓  
五開諸姦豪數其罪惡且發其善端曰不改必寘之  
法衆知公務以德化人相戒勿犯比至莫有于於皆  
理者丙戌徵詣文淵閣脩永樂大典書成受賞而歸  
戊子朝廷以海運糧餉赴北京下湖廣造海船四十  
九命擇風憲官之賢且能者蒞其事衆議以屬公而  
二部所遣官務苛察生事將聞于  
上以銜能公鎮之以靜消其毒整而落其机牙得不擾  
而成功己丑車駕將北征遣都指揮吳正徵兵湖廣  
王暴貪失期

上謂按察司官不糾劾於是公與同僚皆坐累謫楊青  
驛公遇之如平時遣一力受役而躬自執爨未嘗有  
不豫暇則閱書史以吟咏自娛癸巳復起為山東道  
監察御史侃自持不肯少貶以徇俗乙未

上親策士於廷時鴻臚無卿丞張斌任事恃城守功最  
狼戾多所中傷人頗憚之以不與讀卷至爭論

上前不已公奏斌不孝無識不可以讀卷乃敢煩瀆

聖聰如此當伏法士論壯之丙申命巡按交趾交趾城

中諸軍營房覆以茅故致火公無知軍民歲伐材

陶瓦備官用然皆資權豪命三司幙官稽其數凡有

取者皆著于籍由是無敢私費不半年營房皆易以

瓦覆火患遂息時工部尚書東萊黃公福掌交趾藩

憲二司才行過人而不事邊幅御史往者多庸常視

之至公獨恂恂恭讓而法亦不察及歸行李蕭然無

憲二司才行過人而不事也幅御史往者多庸常視  
之至公獨恂：恭讓而法亦不廢及歸行李蕭然無  
交趾一物東萊嘗語人曰吾久居此所接御史多矣  
唯宗載知大体己亥丁祖母憂居家有旨奪情授貴  
州道監察御史益謹禮蹈又遇事必究極是非不曲  
隨苟止於禍福利害不計也故再陷刑辟而賴公道  
以免甲辰

宣宗皇帝正位東宮妙東宮僚職輔導擢詹事府丞未  
凡陞行在吏部右侍郎時少師蹇公猶兼領吏部事  
多倚公：協力一心進退人才必之公論不苟為異  
同故一時號得人洪熙元年賜誥命制詞有清潔平  
恕恭謹厚重之褒是年遣祀夏禹及南鎮會稽山因  
賜鈔八百錠俾歸焚黃于墓下其後嘗奉命往浙江  
理軍政及伐宮殿大材於湖湘設施措置奉不失宜

故事集而民不告勞久之遂有南京之命蓋

上知其老而欲安之也南京雖無銓選之勞而勞於馭  
吏蓋其人多邪巧才見害必避見利必趨往：冒法  
以僥倖公正已率物無少回撓屹然如太山喬嶽不  
可撼陰陽闔闢風雷雲雨以榮悴百物而細大不遺  
其施博矣已未進階資進大夫詞曰寬和有執廉靜  
自持又曰小心慎臧始終不渝人以為實錄當是時  
公卿大夫齒德之盛莫如公及致仕而歸猶康強無  
恙士大夫出餞都門外瞻望咨嗟漢之疏傳不過也  
公既孝於親尤篤於二兄仲氏宗曼有孫孤承裔貧  
苦不能自立公命其子文凱儒凱收養之文凱先卒  
獨儒凱繼其家及公歸即為承裔治居室使仍守旧  
業毋廢墜其施於鄉族細行之美尤多茲不載姑序



次其大者俾刻諸神道而系以銘：曰在

太祖世經術取士公乃奮興以克有位於皇

太宗復奉用公揚于外臺以肅庶工出入中外有勞有

烈人望謂何邦家之傑遂丞詹事遂佐家鄉或展其

猷以宏厥声天官之尊

天子所命殿于南京亦罔不正祇事

列聖殆五十年殊錫寵褒

帝制在焉達尊者三公則兼備哀榮始終莫与為比梨

對之原哉：新阡刻此銘詩百世之傳

都察院右都御史熊公墓誌銘 錢文肅公幹

宣德九年十月甲寅都察院右都御史熊公以疾卒

于北京居第之正寢

上聞之嗟悼賜祭命有司給官舟歸其喪治墳塋于吉

水縣之里七歲孤端奉左春坊左庶子兼翰林侍  
讀周公所為狀來請銘以誌于幽堂之石乃為序曰  
公諱槩字元節熊氏世為南昌豐城人祖達夫仕元  
福州錄事卒字官考敬方幼無依母夫人携以適吉  
吉水胡氏因冒其姓今為吉水人公貴始復旧姓人  
用息贈祖考皆資善大夫都察院右都御史祖妣楊  
氏夫人妣郭氏封夫人公幼英悟過人甫成童聞父  
講左氏春秋即知大旨忻然請授之由是書過目輒  
記憶不忘父心異為此長孝大進有志尚一時同輩  
不惟推讓其孝至其器識自多以為不及永樂六年  
戊子牽進士于鄉九年辛卯登進士高第拜監察御  
史聽決精敏若先於吏事者即以能稱父繇邑校第  
子員陞國子監生六館多所宗仰方是時

太宗文皇帝駕幸北京

仁宗昭皇帝以太子監國事公侍朝立文華門下於大  
衆中見其狀貌壯偉問侍臣誰何知者以公姓名對  
且言父孝行之美稱嘆久之以是父子益有声於都  
邑間歲餘父歿還家執喪哀毀如禮即起復為御史  
署刑部事會藩憲大臣員闕

太宗命吏部簡兩京朝臣之有材望者補之公在選列  
仁宗宴之禮部予道里費至擢廣西按察使慨然以戢  
吏姦恤民隱為已任屬谿峒蠻獠大出殺掠居民聲  
搖諸郡桂人大恐布政使議欲請於蕃王出兵以遏  
之公曰吾等受方面之寄寇至無計捍禦乃以煩  
王事聞誰任其咎寇必不至戒戾而已既而果然議  
者服其職其居官而沒于其土者家之道遠弗能還

朝廷詔所在給舟車歸之有司迫促甚至公念男女  
生娶有一旦遣行貨用凋落奏乞听其便從之尋調  
廣東

仁宗正位召所擢用迨至而宮車晏駕矣今

上親政銳然豈用賢材以責庶事之實以新天下之治  
而常鎮蘇松浙東西諸郡豪右之民徃詐力持吏  
短長脅制州縣肆毒良善無厭細民苦之  
上以公為可使改大理寺卿命階中貴人徃按之公亦

知

上用已之意徧歷其地凡官吏之無狀民之尤無良為  
人巨嘉者籍其家尽執以歸于京寘諸法声威振動  
於一人海鹽民史慶真自號平康聚無賴之徒恣行  
剽掠有司累歲莫能禁聞公至而尽室遠遁得之武

昌抵以殊死於是姦宄帖息卑弱之民奉其業父

昌抵以殊死於是姦宄帖息單弱之民奉哀其業父  
老動色稱快三尺童穉皆知公名而相與傳頌之所  
至於餘力新李宮勸勵諸生先賢若胡安定公范文  
正公魏子翁三陸祠宇之傾圮者葺之范氏又田魏  
氏墳地之侵奪者歸之其子孫之有賢行者禮之士  
類增重奸民有不便公者誣以受賍在勢者以私怨  
欲擠之騰口昌言於朝

上疑未之信遣御史廉問豪髮近似無所得還乃直公  
所為用是

上益之公之賢為足任賜坐書獎勵公亦自信不疑於  
利害之當與除者皆列以聞松江嘉興兩郡接壤處  
其間地大民衆征調復役公私病之奏折其地為五  
縣如其請入朝問勞有加特陞都察院右都御史往

治南京院事始公之出也鬚髮如點漆比還浩然  
白人皆嘆其賢芳及斯命下又謂宜居是或公材長  
於從政務持大体疑獄滯訟能立得其情而志存平  
恕每具獄推見至隱惟恐吏售其姦民有不得其平  
故凡被其理者人以無冤尤能嚴束郡反恒奉古人  
剛方有志節者警之詞氣俱厉人：畏其威而莫不  
奉法且遵或憲紀用振明年賜誥命進階為資善大  
夫榮其所出以及其配未凡太夫人以壽終于私第  
官給祭葬命公扶柩歸葬起視事去年北京右都御  
史顧公以病久在去召公馳至領其事至益感激自  
効視居南京時勤又倍之在

上前知無不言於係囚之枉抑者多所伸虐故事車駕  
巡幸以文武重臣留守公兩被是命今年兼署刑部

事自朝慮內日晏未暇食忽風眩久之乃甦歸治于

巡幸以文武重臣留守公兩被是命今年並署刑部

事自朝慮內日晏未暇食忽風眩久之乃甦歸治于  
家踰數日駕遠猶力疾入見退而愈劇勞以上尊強  
起拜受曰小臣被國厚恩曷以補報是夕奄然而遊  
無一語及家事生於洪武十有八年己丑正月初十  
日得年五十元配劉氏有賢行先卒贈夫人繼配璩  
氏封夫人子男五人長燁壬子貢士次焯次安次即  
端次盛孫男三人公為人身長六尺神色明秀望之  
屹然可畏即之溫然可愛久而知其坦然無城府人  
多樂与之交公與人交息意備至居家孝於親友於  
兄弟庭內無間言在官不以仕優而廢孝有問輒于  
不釋經史論說古今聽者忘倦為詩文豪偉健麗似  
其為人尤善草書四方有求之者初寒盛暑忻然雖  
應之人得所欲而去所著有芝山公餘二藁藏於家

於乎公以一介之士遭值

聖明起為世用出入二十餘年位致通顯任國重事直

已自遂始終保全是

上之圖任也專公之報稱者不顧其身無所不用其心

假以多壽所對立當有絕者奄至於斯可哀也已習

禮於公為邑人復有同年之雅少相好也羨不可辭

故倫次公之世出里居行已為政之詳序而銘之銘

曰於皇

三聖如天之仁文條武彙若時之春公與時遇光奮于

身踐更中外為世材臣

天子嗣位以聖繼神延登俊又子育庶民蠢爾群醜毒

痛子人命公往治勞于咨詢扶植善柔誅鉅頑器大懿

既去隱訛獲信天章有備用旌厥勳歸典邦憲堂

垂紳後身標在列風紀由報奄其不由同朝頗申曷以



垂紳聳標在列風紀由振奄其不苗同朝頻呻曷以  
昭德銘茲具岷垂示後世永：不湮

都察院右僉都御史魯君墓誌銘 穆楊文敏榮

正統二年六月十日都察院右僉都御史魯穆希文  
以疾卒于官

上聞遣禮部左侍郎章敬諭祭仍給舟歸其喪卜以

年 月 日葬于 山之原其邑人翰林脩撰杜寧

為述其歷官行己之實來請銘希文嘗僉福建按察  
司使事操行履歷予知之悉故不諱為叙而銘之希  
文宗敬騎常侍澤之裔建炎初澤自汴徙居于巖七  
世祖初温州平陽令始自巖徙居天台為天台人曾  
祖古訓祖谷瑤皆隱德弗仕考友敬以希文貴贈文  
林郎監察御史妣吳氏贈孺人希文自幼奉動異常兒

里有識者語其祖曰是兒他日當為偉器宜善教之稍長肄業邑庠攻苦食澹篤志經史雖祁寒盛暑不少休息常自書人常咬得菜根則百事可做之語于座右蓋以毅然以清操自勵永樂丙戌登進士第勅賜歸榮于鄉因是益肆力問學鄉生報經受業者亦多造就及赴召有司賤鈔万縑謝而卻之或曰行者以賤何用固邦希文曰筮仕之始未有益于鄉里而先厉之可乎言者愧報喜覈江北諸衛儲糧巡兩淮鹽法及監龍江抽分竹木局綜理周密吏莫肆其奸既而以外艱去家杜門哀毀逾禮服除拜福建道監察御史介然自持人莫敢于以私時

太宗皇帝巡幸北京

仁宗皇帝監國希文屢上封事知者皆稱其為敢言又

嘗鞠常州巨商法當元元商家托其姻曰後魏白金觀

仁宗皇帝監國希文屢上封事知者皆稱其為敢言又

嘗鞠常州巨商法當死商家托其姻日後餽白金覲  
免死希文斥而巨之竟寘之法秩滿擢福建按察司  
僉事理寬滯繩貪默墨權豪右無所顧避泉州進士  
李某調官廣西妻吳少而美故富民林肆欲圖之陽與  
其善遣二黠僕階行至中道毒死某并其姪吳還肆  
納之某之族人訴于郡及臬司官受肆賂反罪訴者  
希文至廉得其執而訊之果服罪漳州民許某富而  
無子初以姪為後晚而妾生子因析貲產與姪而以  
子託之許死姪謬言子非叔出逐之奄有其貲希文  
按行至郡妾攜孤訴其狀希文乃於市集諸小兒察  
以許之孤雜其中令父老別之父老獨指是兒狀類  
許某必其子也於是悉歸其貲晉江縣竟有四閘水  
以蓄洩溉田數百頃為豪右專以自利歲旱細民群

訴希文罪其專利者民皆驩呼鼓舞

今上皇帝嗣位大臣薦希文治行驛召至陛今戒尋命  
捕蝗大明廣平循行阡陌勞來不倦民不之擾而害  
隨息暨還贊肅憲紀駸有聲朝退方治事疾遽作  
而卒家無以為欽公卿賻治其喪始克襄事希文生  
洪武辛酉月日享年五十有七配張氏先希文  
三月卒子家子男二日杲曰昂孫男三曰誠曰誼曰  
諱希文為人剛正清慎內恕外嚴寡嗜慾薄滋味歷  
仕中外二十餘年家無饒貲被服如寒士卒之日聞  
者莫不咨嗟嘆悼嗚呼士之為世用材足以應變知  
足以決疑者非不有也而求其清介有守執法不回  
似希文者殆亦不多見為是故不可以無銘也銘曰  
介如石兮維守之真直如矢兮維心之平維介維直

士德之偉人一群稱君乃廣美方其蜚聲震耀當時  
今焉云亡孰不悼思遙、閩藩政傳永久奕、憲臺  
名著不朽天台之原考卜維新安此宅兆永裕後人  
子昂一名崇志累官應天府尹循良愷悌人咸稱為  
長者

吏部右侍郎鄭君墓誌銘

誠

同前

士君子遭時得位才行兼茂克奉厥職上無負國家  
下不負所志人皆仰其存而哀其歿者斯豈多見哉  
若故通議大夫行在吏部右侍郎鄭君蓋其人也君  
諱誠字文實世家建昌之南城高祖禎仕元為撫州  
路醫季、錄曾祖德銘歷彭澤南陵二縣典史祖瀚  
遠以君貴贈吏部右侍郎父守中累封吏部右侍郎  
妣王氏累封贈淑人君生洪武庚午九月十日自少

刻志開孝選為邑庠生完春秋之旨同輩自以為莫  
及永樂辛卯領鄉薦入為太學生夙夜淬砺器宇日  
克歷政冬官以勤慎自効擢為吏部司務以職克稱尋  
以侍郎師廷薦陞考考功員外郎君雖年少居要職  
懋履謙恭事先輩以禮課功責實無所徇人以是多  
之未凡丁內艱痛念母疾弗克躬侍湯藥哀毀逾禮  
及葬陰雨不止君號泣籲天、稍霽人以為孝感所  
致制未終特起改文選員外郎尋轉郎中時同官孫  
英號稱狷介少許可以君獨加敬讓洪熙紀元受誥  
命榮及二親宣德丁未歸省還朝仍故職庚戌以少  
師蹇公薦為吏部右侍郎選任精審敷奏詳明尤為  
衆所推

宣廟嘗召問庶官品級及居職者賢否君歷對稱旨遂

宣廟嘗召問庶官品級及居職者賢否君歷對稱上曰遂  
受宝带襲衣之賜

今上皇帝嗣位益致公勤雖故旧執贄相見亦却而不  
納鄉人有為太孀生者於公有宿怨及當受官自謂  
必見抑君惜其才擢寘五品其所守所行類如坎正  
統戊戌年十一月 日 于官自鄉士以及僕隸

莫不嗟惋翌日

書

上聞為之悼惜遣礼部尚書胡公致祭仍命有司治墓  
事君娶黃氏有淑行初封宜人進淑人子男一曰堂  
弟 来自南城將奉柩歸塋于鄉 山之原乃以刑  
部侍郎何君文簡所述事行謁拜請銘惟君天性孝  
友父嘗藹疾足繼以目眚君憂刑于色遍求良醫得  
善藥輒附傳以歸療之疾遂愈奉繼母傳氏淑人不  
異所生遇諸昆弟及從昆弟俱有恩位雖貴顯歸拜

旧師惟執事弟子禮見其貧厚遺以金繒待僮隸亦  
未嘗加以疾声厉色居官二十年小心慎密始終如一  
至其寬厚和易虛已容人識達政要旁行不流卓  
乎有足称者是不可不銘、曰麻姑之山秀擁一方  
下有盱水其流洋、維水之清維山之英孰其鍾之  
天官亞卿亞卿之生人中裛然師竒其敏友推其先  
肇自小官荐登顯庸弗倨弗隨克勤克公勤不自盈  
公而生明鑑別研強澹審重輕  
天子曰嘉是為能臣與論攸歸咸曰偉人生不失榮歿  
不失哀悠、逝川去不可回勤此銘辭悶之函宮惟  
千百祀令名罔終

国子司業吳先生墓誌銘溥

楊文貞公士竒

太孝為國家成賢育材為興治之本所係非細故其

師範尤在得人而非道明德立之心古人之心知本末之



國子司業吳先生墓誌銘  
太李為國家成賢育材為具治之本所係非細故其

師範尤在得人而非道明德立心古人之心知本末之  
務多士所心敬誠服者不足以稱任數十年來稱斯  
任者臨川吳先生其卓乎表者與先生以明正之  
李惇實之文端厚之行峻潔之操挺然而不拙皜然  
而不滓其施教必先正本而後循序以達也蓋先生  
自讀書鄉校已立志不迂近雖窶夙夜勤苦淬勵不  
奪於外物洪武中選鄉貢病不果上後入克太李生  
祭酒司業禮之不与諸生等奉命宣諭武臣雲南又  
閱軍士福建時奉旨出使者所至皆有金幣之贈重  
朝命也先生一豪無所受及歸其裝不益絲毫維經  
過山川所作吊古賞勝之詩百數十篇耳會試禮部  
擢第一廷試第四賜進士出身授翰林院編修陞脩  
撰考禮部會試纂脩

高皇帝實錄書奏賜白金文綺及金織衣備永樂大典  
為副總裁吏部言國子監闕司業

太宗皇帝曰此非可輕受其令祭酒胡偃慎奉有孝行  
可為师表者以聞胡公奉先生即日授國子司業居  
無何祭酒有他命自是皆先生總監事時士習日下  
奉者急於進取率不究心經傳惟誦習前輩程文以  
覬僥倖先生革之終日危坐堂上召與講析義理且設  
疑誥之使退求諸心庶有自得之益於為文必先義  
理而後辭采孝者始趨實功不事高得以禮法率其  
屬官中有不檢者數輩不便之相與求先生之短  
以沮之卒無所得又飾詐以誇之然先生素行孚於  
外者久誇率不行有以告者先生但自引咎而已以  
是名益高而誇者益不容於清議雖弘度待物然未

嘗屈已求合雖是權貴率不樂之而自信益篤

嘗屈已求合雖是權貴卒不樂之而自信益篤

仁宗皇帝知之有素一日顧士奇曰朕即位以來兩京之臣多以序進惟南京吳司業未進蓋朕久不見之故忘之耳後三日宮車上賓矣先生為司業十有八年太孿生數千人及天下賢士君子皆稱吳先生古道吳先生賢師而職銓衡者獨若不聞此雖先生之命而益以見其所守且士大夫之重輕於世者亦豈係乎其官之進否也哉先生篤孝友親喪哀毀骨立後在太孿遇諸生告歸省者輒感慟不勝處交友必輔之正道雖迂不避中允李貫故同舍生素相厚實坐累繫獄十年家甚貧先生極力調之且戒其家人有無相共貫竟死獄中而調其家益勤平素施義類此一日會晏太孿得風疾遽革昇歸顧其子吾死勿

用浮屠老子法治喪不一語及他業事而卒二之日家  
無一緡之儲禮部尚書蔚公集衆賻治斂歸葬先生  
諱溥字德潤號古厓吳氏世業儒其先居臨川之種  
湖曾大父景南大父某父思清贅崇仁章氏遂宗崇  
仁後以先生貴贈其父承德郎國子司業母章氏安  
人及封其妻鄭氏安人子男四与弼与疇与年与性  
人孫男三先生卒於宣德丙午九月三日春秋六十有  
四以卒之明年某月日葬崇仁左橋之原先生長士  
竒二年同官翰林者七年又以同鄉相交莫逆後來  
北京嘗主余家共夜坐談其貧賤時事蓋使人潸然  
起敬而後知其操執峭厲盖天性云無凡聞其訃余  
為儒林慟之嘗私為作傳矣歆書一通寄其子未暇  
也今与性新除休寧縣李訓導在北京求予作父墓

銘遂損益傳文為之誌而係以銘曰嗚呼先生君子

銘遂損益傳文為之誌而係以銘曰嗚呼先生君子  
之儒古道之趨古人之徒其存者貞其執者確必有  
本原用淑來孝豈世無人誰与古嗚呼先生足疆心  
儒林嗚呼先生逝矣不作寒厓古栢高風凜若  
子与弼字子傳別號康齋天順改元以高士徵至京  
授左春坊左諭德四上疏以疾辭不就進封事十策  
英宗嘉納之遣行人王惟善送歸行狀見後

浙江

皇明名臣琬琰錄卷之二十四

易文貞公士奇



浙江圖書館

皇明名臣琬琰錄卷之二十四

刑部右侍郎改君墓誌銘

民 楊文貞公士奇

宣德九年二月二十九日刑部右侍郎改君卒於南京家素貧僉都御史吳君敏德既經紀喪事禮部尚書胡公源潔以聞

上為悼歎賜祭命有司營葬於是吳君使人北京需葬銘而胡公以屬士奇嗚呼段君者世所謂仁人君子也又士奇素所交游士奇宜銘按國子司業陳君光世狀段之先居南康之建昌世業儒其曾祖元營田即居篤脩徙吳中父志清又徙常州武進母葉氏君諱民字時奉自幼溫重穎敏喜孝且其父母惟一子篤意教之故德器蚤成登永樂甲申進士第為翰林庶吉士時

太宗皇帝命禮部翰林院准天經之數選曾榮等二十  
八人就文淵閣出中秘書使進其業旦暮給太官  
饌又月給膏火之資蓋期之於大用而君與為君祇

體

上意益勵弗懈而文孝大進与脩永樂大典丁内艱去  
服闋除刑部山東清吏司主事授承直郎泣官廉慎  
而明敏克勤恒存哀矜惻怛之心処疑獄必歸於厚  
麗辟者咸以得君為幸踰年扈從赴北京召脩四書  
五經及性理大全書成被重賜復还刑部陞郎中益  
精獄訟尤為尚書所重凡大獄必資君部奏章必歷  
君閱乃上在刑部八年山東妖婦唐賽兒作乱三司  
官以縱寇誅詔廷臣簡代者其推奉君數人授君山  
東布政司叅政同奉中有畏難者君曰竭成以共吾



東布政司叅政同奉中有畏難者君曰竭成以共吾

職耳何足計利害哉下車敷宣德整飭紀綱撫綏意  
殘氓剗革宿弊政理一新吏民悅戴居三年召同考  
禮部會試士論服其衡鑑又三年召赴闕命以本官  
署戶部右侍郎之南京是時車駕在北京久南京諸  
司習於玩愒任錢穀刑名者其務叢脞尤號不治君  
至躬勤卒之莫敢或違始若扞格已而服從咸備其  
戢明年實授本部右侍郎又明年改刑部其振起作  
新一如戶部罪人聞君至皆相慶於獄伸抑疏滯浹  
旬之間聲奔用彰三年以績最賜誥授嘉議大夫贈  
其祖若考皆嘉議大夫刑部右侍郎妣李淑人封其  
母太淑人妻盛淑人初為叅政考滿當得誥言於朝  
願推以封母從之至是母年將九十得封者再人皆  
榮之君忽得寒疾數日小差矣將出視事左右謂未

可以風曰數百人困坐獄中翹跂待我柰何可自佚  
哉強出三日疾復作遂亟有問之者荅曰不能報

上恩矣如老母何言也遂卒君性至孝初為庶吉士得  
祿即迎父母就養京師父沒後所歷官未嘗不奉母  
以行而曲尽愛敬襟字清明恒夷表裏一致喜怒不  
形声色當官任事惟義所在不苟遜避與人交久而  
信卒之日其官屬臨哭皆哀南京卿大夫之賢者皆  
走吊哭北京自師傅六卿以下咸寓奠祭君春秋五  
十有九其子男四寔宏安寧孫男二璇玑其葬以卒  
之歲 月 日附武進先塋之次銘曰仁以及民義  
以行身其履坦其存溫我懷若人於古多有嗚  
呼時奉於今曷少亦既乘時曷不永年匪直哀斯而  
獨其親凡今之人哀以君子士奇之銘亦哀賢友

大孝士張公墓碑瑛

楊文定公傳

正統元年秋九月戊戌資善大夫禮部尚書兼華蓋  
殿大孝士張公以疾卒于位享年六十有二訃聞朝  
廷遣官諭祭詔有司營葬如制明年五月一日葬邢  
臺縣郭村先塋其子祥以墓碑未有刻文走京師奉  
禮部尚書胡公狀泣拜以請予與公久同僚家誼不  
可辭按狀公諱瑛字子玉世居順德之邢臺祖和  
與父敬德皆樂為善祖妣王氏妣馮氏俱以公貴封  
贈如秩公自幼及長豐偉凝俊識者竒之初補第子  
貢于鄉校免勤問孝日有進益同輩咸推讓之甫  
弱冠即以明經領丙子鄉薦授陝西寧州孝訓導調  
武德衛孝訓導武臣子弟再調淮安之宿遷縣孝訓至  
嚴教條責効生徒多成材者秩滿擢吏科給事中稽

考銓選封駁章奏克奉其職

宣宗皇帝為皇太孫時

太宗皇帝遴選文儒侍從講學公實與焉

仁宗皇帝登大宝

宣宗正位東宮詔陞左春坊左中允又陞左諭德改洗馬

宣宗即位首錄旧勞陞行在禮部右侍郎宣德改元之三月陞本部左侍郎兼章蓋大率士入翰林知制誥明年陞尚書兼職如故脩

太宗

浙

仁宗兩朝實錄為總裁官既而命泣南京禮部蓋以根本之地分理六卿之事必重臣也凡再奏績當赴京師皆賜玺書以止其行其見委任若此復以父喪歸

守制

宣宗既遣官治塋祭仍起復公視事今朝廷於老成人  
益加倚毘公不起矣嗚呼惜哉公於經史善講解其

侍

宣宗每於帝王傳授心法與夫循齋治平切要之言漢  
唐以下人君行事可謂勸懲者必反覆敷陳之以是  
日見親厚先後賜賚攸多當起復入見時

宣宗特出御製詩詞并緡錢二千錠賜之公退而陳之語  
人曰古人云稽古之力予亦雲然心性寬厚喜愠不  
見待人接物一以真率為本推讓賢能僚寀協和平  
居嬉嬉然若無所介意臨事施設毅然不可奪人以  
此稱道之而亦嘉其遭際之為盛云娶陳氏賜夫人  
繼室郭氏封夫人側室韓氏曹氏王氏賈氏子男三

祥陳出祈郭出裕曹出女二孫男一女二嗚呼公以  
詩書之業起庠校職朝導而居論思位列上卿榮遇  
四朝儒臣之光顯者可謂至矣宜有銘詞以昭來世  
銘曰於昭

皇明列聖重熙登崇而雅千載一時公自孝官擢之禁  
近位至六卿官居二品昔我

宣廟育德之初公在左右進說詩書以啓以沃歲月滋  
久恩賚之臻亦既多有飛龍在天風雲景從乃登秘  
閣乃領南宮論思之職禮樂之典任日益親望日益  
顯兩朝德業日月光華纂述之任公實領之舊都金  
陵根本之地用肅神人惟公之事龍章鳳詔錫類惟  
均况其祿養上逮乎親貴富光融室有始終公則得  
之世罕其北郭邨之原有高者墳後來考德跡此刻

文

國子祭酒胡先生墓碑儼

同前

正統八年八月二十七日太子賓客國子祭酒兼翰林侍講致仕胡公願菴先生卒訃聞詔遣官諭祭命有司塋葬制得立碑其子陳昭奉江西叅政張君居傑所述行狀走京師請文余與先生有斯文之誼而不可辭先生諱儼字若思世居臨江之新塗元末從南昌先生天資穎悟自幼好孝受經於伯父虞部員外郎汝器及游鄉校從郡中請先輩講孝若書若琴若詩若文皆有傳授既長博極群書至於天文地理律歷醫卜皆通其說先輩皆稱許之以書經中洪武丁卯鄉試第二明年會試中副榜授松江華亭教諭以內艱去丙子改授長坦縣上疏乞近便養親詔許之改

饒之餘干自是著為令已卯以薦陞安慶桐城令壬

午

太宗皇帝入正大統聞先生名召試之稱旨特授翰林  
檢討尋陞侍讀直內閣朝廷推恩封其父母妻室永  
樂甲申陞左春坊諭德兼官如旧是年九月拜國子  
祭酒庚寅

上北征命以祭酒兼侍讀掌翰林院事輔導

皇大孫監國洪熙春以疾辭加授太子賓客致仕此其  
歷官也先生筮仕葦亭時尚少而能以師道自任勸  
勉諸生務實孳勵行檢以變浮靡之習日親講授每  
至夜分雖隆冬盛暑不廢葦亭長者皆稱重之謂先  
生必大用其在餘干如葦亭時士子樂從之成效居  
多宰桐城以愛民為本凡可使民者以身任之民間



生必大用其在餘王如垂堂下之民問  
多宰桐城以愛民為本凡可使民者以身任之民問

積年逋負悉與奏免邑中虎為害傷民物乃齋沐告  
于神虎遂滅跡表朱桐鄉墓俾民奉祀嘗督漕運次  
三山值大風雪遇中流有覆舟命僕夫授之活其被  
溺者三十餘人捕蝗途中見飢餓病者悉命里胥扶  
掖就民舍給以藥食是夜大風雨得免暴露存活數  
百十人入翰林時朝廷選任儒者若江右解大紳胡  
光大楊士奇金幼孜冰嘉黃宗豫福建楊勉仁一時  
共事者七人先生在衆人遇有顧問必從容審度而  
後對未嘗以材智先人時論多之及蕪宮僚在講筵  
凡古今治亂得失必反覆敷陳以圖裨益以外艱去  
詔奪情道過南京見東宮詢及民情所對皆切時事  
為祭酒以身卒諸生奉守孝規以畜成效一時人材  
翕然從化朝之公卿大夫咸推敬之時國子生有以

故告歸者皆坐戍邊先生為言其情有可矜乃得免  
先生雖掌國孝朝廷有大制作若纂脩

太祖皇帝實錄及永樂大典天下圖誌諸書皆為總裁  
未嘗去館閣令桐城時嘗為湖廣鄉試考官其去取  
有公論在國孝遇

太宗皇帝幸太孝御彛倫堂賜坐講經賜賚優厚縉紳  
榮之此其官績也乞致仕賜金書褒美復其子孫賜  
寶楮為道里費仍命有司給舟車還先生間居甘餘  
年日與孝者講求性理之孝親藩禮遇之方岳重臣  
咸待以師禮而師生未嘗一言及私自處甚淡薄歲  
時僅足衣食嘗表許遜帝丹廟請春秋致祭脩白鹿  
書院以其處退問之有道也先生達於報施之理凡  
處是非利害可否之間咸審度以求至當惟恐貽患

於人群論中有不合即引退不與辯以故所至能全  
交此又其守身之槩也其為文以理為主不尚辭藻  
所著有願菴詩文若干卷行於世考直翁累贈朝議  
大夫資治少尹國子祭酒兼翰林侍講妣王氏累贈  
恭人配張氏累封恭人嘗受命婦恭服之賜子男三  
曰玘早卒曰暉曰昭女六孫男四諲詢訥詵孫女四  
曾孫男二先生臨終命歛以時服嘗卜城南懸榻里  
為壽藏明年閏七月二十五日塋之門生楊溥為之  
銘曰繫古有君子觀光于朝為國賓之及老而歸儀  
式後季師道聿尊是為鄉先生歿而祭於杜噫先生  
其人也

禮部尚書忠安胡公神道碑銘

李文學達公賢

我朝名公鉅卿聰明特達者多矣若器識宏遠福壽

隆長惟武進胡公一人嗚呼休哉公諱淡字源潔別  
號潔菴其先淮安宿遷人有諱藩者仕劉宋為太子  
左衛將軍遷豫章數傳至諱馱者仕唐為侍御史子  
常州刺史瓊生特國家于常遂為武進人持四世孫  
曰宿仕宋為樞密副使宿十一世孫曰中立為常州  
制置中立生昭公之高祖也曾祖庸仕元為浙江儒  
孝提奉祖禎為常州路醫孝錄考宗仁隱居不仕皆  
以公貴贈光祿大夫少傅兼太子太師禮部尚書曾  
祖妣章氏祖妣徐氏妣李氏皆贈一品夫人公生而  
髮白彌月方黑母夢一僧持花以遺之寤而生公居  
數日有僧至家索觀公見僧即笑僧曰此吾師天地  
高僧後身也命我求見以笑為誌果然聞者咸驚異  
之公自幼端重不好嬉戲弱冠入邑庠洪武中領鄉

薦登庶長進士第授兵科給事中尋遷右給事中公

高僧後身也命和未見以年為記  
之公自幼端重不好嬉戲弱冠入邑庠洪武中領鄉  
薦登庚辰進士第授兵科給事中尋遷右給事中公  
勤識大體士林譽之

太宗文皇帝人正大統公供職如舊永樂改元秋以奏  
對稱旨陞戶科都給事中丁亥

上察近侍中惟公忠實可託遂命公巡遊天下以訪異  
人為名實察人心向背時御製性理大全為善陰隲  
孝順事實書成俾公以此勸勵天下以故雖窮鄉下  
邑軌跡無不到在湖廣間最久丙申秋還朝丁內艱  
乞終制不允尋進禮部左侍郎明年往巡江浙諸州  
授嘉議大夫癸丑復日均襄還朝車駕親征北虜駐  
蹕宣府公馳謁行在所

上卧不出聞公至喜而起且慰勞之曰卿驅馳良苦賜  
坐與語凡所歷山川道里郡邑豐畱民情休戚以至

所聞所見保国安民之事悉為陳說

上欣然納之向所疑慮者至是皆釋比退漏下四鼓先是

仁宗皇帝為太子監國時飛語上聞

文廟屬公往察之公至以所見七事皆誠敬孝謹密疏

以聞

上覽之大悅自是不復疑



仁宗嗣位特賜誥命授正議大夫資治尹已而聞公曹

有密疏疑之乃轉太子賓客兼國子祭酒之官南京

未幾閱章奏見公所上密疏深嘉其忠方議重用之

而龍馭上賓矣

宣宗皇帝即位復禮部左侍郎兼職如故洪熙乙巳冬

公自南京來朝

上素重公及見入顧問良久即番任行在禮部事宣德

宣宗皇帝... 公自南京來朝

上素重公及見入顧問良久即畱任行在禮部事宣德改元春進尚書是歲秋漢王謀叛事覓公贊

上親征事平公受賞賚甚厚復給叛者家屬四人丁未賜誥命授資善大夫復賜近第一區於長安右門外給閣者二人戊申

上嘉公忠勤特賜銀章四其二曰文恭世家曰清和恭靖蓋嘉羨羨之也尋以公生辰賜宴於其第秋八

月公扈從巡邊至會州而還己酉命兼詹事府事夏五月扈徙北巡時常民有豪橫者既抵于法悉以田宅賜公辛亥命兼行在戶部事

聖節御製詩一章賜公及蹇忠定楊文貞文敏三公且曰朕茂膺天眷惟尔四人贊翼之功因賜宴尽醉而罷新建禮部成命光祿設宴勳戚公卿皆往賀公以

為盛事立石廳事之右衛任益隆每燕見

上虚心問曰卿有何言得其章奏即施行之時有芝產于公署人以為公和氣所召

今上皇帝踐祚亦惟圖任旧人待公尤厚凡軍國重務皆与聞加授資德大夫正治上卿每考績必有賚予甲子以年至七十章乞致仕

上以公精力未衰慰勉由之已已

上親征北虜命公番守京師秋八月進太子太傅階榮祿大夫景泰初賜誥命辛未春公因災異數見乞放免以回天意不許尋進少傅壬申兼太子太師二俸兼支公同辭一俸癸酉復賜誥命進階光祿大夫自後每歲引年乞歸皆不許丙子復因災變乞賜罷黜亦不許時公年八十二忽疾作艱於步履明年

皇上復位公喜不勝自扶疾入朝而筋力不可強矣遂



皇上復位公喜不勝自扶疾入朝而筋力不可強矣遂  
乞謝事且辭師傅二職

上方重用耆旧憫其老皆從之陛辭賜白金寶鏹金織  
襲衣給驛舟以歸復賜奎書有卿宅心允臧处事惟  
慎雖經變故無改厥常之諭歸之日鄉人老穉聚觀  
者以億萬計公陳所受賜於堂感激泣下遣家子長  
寧詣闕申謝



上念公歷事累朝遂官長寧為錦衣衛世襲鎮撫俾歸  
終養公之弟克恭克寧克誠時年皆七十餘蒼顏白  
髮燕樂於一堂遂扁曰壽愷優游桑梓者七年疾復  
作召諸子前曰尔輩圖報國恩勿墜家聲遂瞑目而  
逝天順七年八月八日也享年八十有九終之日常  
州守卓天錫夢公來辭已而間終大以為異訃聞

上為之震悼贈太保謚忠安遣官諭祭於其家復令有  
司營葬事恩榮始終世莫與比公為人平易寬和廉  
靜寡慾自奉澹薄起居有常居官敬慎一毫不苟歷  
事四聖無纖毫過奉蔚然為一代名臣立朝凡六十  
年薦拔士類甚多十知春闈貢奉天下之士盡出其  
門平居未嘗疾言遽色雖庸夫孺子亦知其為長者  
暇則手不釋卷喜為詩文晚年奢望益尊其酬應愈  
劇曾不厭倦所著有芝軒集若干卷又嘗輯錄醫藥  
經驗者曰衛生易簡方經進又有律身規鑑俱行于  
世公配范氏早卒累贈夫人維張氏累封夫人子男  
四人長曰猷即長寧居母喪廬墓有司聞于朝旌其  
門曰孝子次衍以武奉得官沒於王事次猷錦衣衛  
指揮僉事次洞女三孫男一曾孫男一銘曰

門曰孝子次鉞以武奉得官設於王事以錄金不備  
指揮僉事次洞女三孫男一曾孫男一銘曰

大明盛時有臣胡公從容其間以篤其忠始為夕郎  
乃教胄子輿論攸歸多士咸喜作賓春宮遂長春官  
列聖倚之四海又安國之老成進位師傅溫恭維人翊  
我皇度公在朝廷六十春秋祿位優游莫之匹休公  
身雖亡中有不死懿行崇功昭彼信史  
皇恤耆英曠典是承隧道有碑儒臣刻銘

河南左布政使李公墓碑銘 昌祺 錢文肅公幹

太宗文皇帝入正大統首下明詔搜揚側陋思得天下  
材智之士以共新治道而在嚮用儒術永樂甲申廷  
試取士四百七十二人在位二十二年凡以科取士  
而咸稱是科得人為最盛河南布政使司左布政使  
李公昌祺其一焉公少負材器志於用世繇郡孝生  
以明經取進士第簡入翰林為庶吉士性素介特至

是益自檢飭達官勢人未嘗謁之私第會脩永樂大典禮部奉詔選中外文季之士以備纂脩公在選中例凡經傳子史下及稗官小說悉在收錄與同事者僻書疑事所未通質之於公多以實歸推其該博精力倍人辰入酉出編摩不少懈退復以其餘力發為詩文應人之所求者皆典贍非苟作隱然聲聞館閣間書進被宴賚擢為禮部主客司郎中部凡四司主客視他司最繁劇官難其人公以明敏濟之不懈劇治其間庭無苗事退視其私一室枵然無長物俸不足以供費泰然不以屑其意堅苦斫節時流少與為比尚書呂震有巧佞材倚被

主知狠愎自用專以嚴憚下人群吏莫敢仰視慢易僚佐少忤其意者輒中傷之衆皆側目而待公特異有

所知根慢自用專以覆下人君更敢作事  
佐必忤其意者輒中傷之衆皆側目而待公特異有  
所承稟色詞俱溫始終不少衰駕幸北京

仁宗以皇太子監國兩命權知部事行在吏部奏藩憲

員闕

太宗命簡兩京朝臣有材望者補之

仁宗奉公等若干人應詔晏于禮部予道里費至則陞  
為廣西左布政使朝野榮之廣西地極南徼谿洞徭  
獠時出標掠迂氓苦之公至而威望凜然徂伏深阻不  
復出為民患境內晏安政務備奉尋丁外艱去官吏民  
皆追思之服除入覲

仁宗在位言于朝曰此佳士良不易得在列竦聽退而  
相與嘉歎不已先是河南連歲旱蝗民多死徙

太宗震怒被災郡縣有司不以上聞者悉逮寘于法思  
得人以撫安其民改公往涖河南被命即就道既至

宣布

主恩疏滯奉廢抹災卹患憫下窮繩豪猾去貪殘方徵  
之政所當奉者悉尽心焉質明起視事日入方息居  
數月政化大行聲績茂著復丁內艱歸服喪河南荐  
飢奉司累奏起公治之

書

宣宗命奪喪乘傳赴官為治如初勤勞倍之因感風疾  
往、增劇不待引年堅乞致其仕詔報可之歸而先  
廬僅庇風雨服食清約如寒士伏臘不克處之裕如  
居雖密迹郡城足跡未嘗至公府守長於政務有所  
咨決極言無隱因其言民陰受其惠者居多病間輒  
書不去手吟咏自娛遠近有求支應之不倦一日疾  
革遺訓二子惟以力孝脩身為言餘無他語儵然而  
逝時蓋景泰壬申三月二十五日距生洪武丙辰六

月二十六日壽七十有五歲公諱禎昌棋字也僑菴  
白衣山人運甓居士其號也李八世家金陵宋南渡  
有諱義者仕為郎中扈從隆祐太后南上苗居吉水  
之烏江元時諱者烏江徙居郡城之吉陽門又徙  
今之螺川菴因為廬陵人曾大父道華大父克國皆隱不仕而  
以行義稱父伯夔力孝工詩名聞當時母劉氏公生  
資稟英悟早即嗜孝成童屬對賦詩語出驚人弱冠  
為文藻思溢出蔚有老氣不惟一時材俊若禮部  
侍郎曾公子棨輦相與頡頏名聲不相上下鄉之老成  
人亦皆駭其文職謂必顯於世平生所著詩文有稿若  
千卷藏于家平居孝弟友順出於天性恤孤赴難皆  
盡其力元配艾氏繼配劉氏子二人長宣次定孫男  
五女六墓在縣之紫雲山招義院之西從兄兆也定

華遺訓二子惟以力孝保身起言無他言  
世時蓋景泰壬申三月二十五日距生洪武丙辰六

奉事狀來謁銘以刻諸墓隧之碑於乎。昔之所謂大  
臣者委身徇國夙夜憂勤以任天下之重皇恤其私  
故宋杜正獻公身至大拜歸老無屋以居寓於南京  
驛舍范文正公晚叅大政妻子僅給衣食至其歿也  
家無以為喪公任牧伯身寵家溫固其宜也而乃悅  
厥職空之以終其身所謂貴而能貧揆之二公夫  
何魏哉。眡彼顧利冒耻不為公議之所右者其賢不  
肖何如哉。因定之請論次公之里系官閥蹈履之詳  
為銘以刻諸貞石又何媿詞銘曰

聖明御極宵旰渴士天心純佑俊人雲萃奮庸于朝布  
列有位効其智能稱厥任使公起茂科立躋顯仕兩  
殿大藩所至稱治去其煩苛泣以簡易招徠罷氓奠安田  
里震疊遠夷綏靖邊鄙惠洽群黎威憚健吏威惠並



殿大藩而至稱治去其煩苛治以簡易不使器用真安日  
里示表蠱遠莫綏靖也鄒惠洽群黎咸悼健吏咸惠並  
施本仁輔義夙夜孜孜，獨成化理先民有云國之利  
器墮下告終得正而逝螭蟠豐碑表厥墓隧昭其民  
庸垂示永世

鎮江府同知陳公墓誌銘

諱 朱都御史与言

公諱諤字克忠少字一諤姓陳氏世居番禺曾大父  
諱中奉宋季為廉訪使按山東有能声大父諱照卿  
樂善好義隱居田里勢利澹然邑人敬慕有貧者輒  
捐已賑貸事弗平昔咸質之退無怨言頗有陳太丘  
王彥方風父諱以惠博通經史兼通內典而精於醫  
治疾如神弗圖報於人人多德之國初海內甫平乃  
退耕田野無復仕進心惟篤義方之教配杜氏生四  
子其次公也公自幼性敏泊長遜志篤孝而識見迥  
出流輩讀書过目成誦辞藻英發卓有古作者氣格

以惠公嘗曰吾子諤器宇不凡他日必大吾門也弱  
冠游廣郡庠受業于永嘉陳先生門益自奮勵冀以  
成父志先生深器之永樂六年戊子以書經領薦卒  
業于太學納交名流以宏所蘊用志愈篤聲譽籍籍  
遂聞于朝八年庚寅夏五月超擢刑科給事中介然  
自守遇事剛果劾奏豪強不避權要嘗奏事聲響甚  
大聽者凜然

圖

上令餓之數日奏對如前乃曰是天生也每見呼為火  
声秀才云嘗以直諫致逆鱗之怒命為坎奉天門外  
瘞之七日不死遂釋還職未久陞吏科都諫一日率  
同列奏事忤

上上怒落職罰令脩葺象房同事者先治完降職去公  
貧不能猜人乃力自為值駕至觀象問治屋者誰也

上上怒落職罰令備葺象房同事者先治完降財去公  
貧不能猜人乃力自為值駕至觀象問治屋者誰也

公前俯伏陳其故

上念其直且憐其貧尋命復官由是擊搏愈甚朝廷肅

然而

上亦屢有付託委任之意為九年辛卯九月奉使雲南

公幹還朝即命署通政司事癸巳春三月也愈年署

應天府未凡又署刑部事所至克奔厥職凡百施為

悉中肯綮十四年丙申夏又轉鴻臚寺亦署事也明

年冬又改署工部事歷履聲績視前有加不四年而

轉署三五公才皆足膺之為無忝焉至是陞授順天

府府尹治同三輔政尚嚴明有漢張趙風吏畏其威

民懷其惠歌誦吳烏嘗出行轉城隅悞衝

皇太子駕太子怒訴

上曰陳府尹是我父母官竟不問其見重有如此已

亥四月癸巳有白鳥乳公庭槐公表而獻之

上喜賜金帛有加廷臣稱賀時有白鳥之頌既而執政  
出公為湖廣按察使論者以白鳥雖為國上端而亦  
公外補之兆也歷三載刑政肅清一道無冤獄亦無  
冤民前憲使孟公督營造公成之民不苦勞事易以  
集將代朝廷命之部侍郎師公有事湖廣劉公督軍  
公嚴號令焯毫無犯民得按堵既平奏最改山西公  
至一以治湖湘者治之洪熙改元封建親藩選輔導  
之戢廷臣推公厚重老成才德兼備足副簡卑遂授  
荆府長史先將公因忤親王貶知浙江海鹽縣  
上一日問左右大聲官人何在其人宜復為輔導使人  
得易聞過至是因有是命降敕曰朝廷建諸子以藩  
屏國家必選賢能端正之士為之輔長史其首也所

得易聞過至是臣在是合... 屏國家必選賢能端正之士為之輔長史其首也所

以贊其德義治其政令尤為得賢乃足以克副簡畀  
爾浙江海鹽縣知縣陳諤自給事廷陞擢尹京府浙  
司風紀駁歷有年茲特受爾秦議大夫荊府長史漢  
之河澗東平勛躬勵行令聞長世固王之能自脩亦  
必輔導有其人為爾宜勉之王有無窮之美爾亦有  
稱於世時改元正月也公至左右匡輔殫心竭誠多  
補益初命下人為公懼公贊有方率爾於善益副

上付託之重蒙賜忠良鯁直四大字以寵異之既而封  
贈其父如已官母杜氏為宜人配蕭氏封如母宣德  
三年丁母憂還哀毀甚至郡人素服公剛直有屈者  
來白公公語諸當道皆伸之服闋復為長史與王不  
協遂除鎮江府同知時戶部侍郎周公忱督漕于淮  
以公廉介有為檄脩陂圩岸相方設宜隨事就緒及

郡之山川社稷壇壝學校齋堂殿廡咸大而新之成  
績皆歷有紀未滿考以年老乞歸不許欲徑掛冠鎮  
民遮面弗得行及章屢上乃允命兵部撥夫隸送還  
逾兩期以疾終時正統九年甲子三月二十三日也  
矩公生洪武十年丁巳十有一月初十日春秋六十  
有八矣越明年乙丑十二月二十二日將奉柩塋于  
番禺永泰鄉白雲山樛木坑酉辛向之原適予以賜  
歸吉州其孤郡庠生綸以其郡人都御史羅公享信  
所為狀請銘誌石用垂不朽予與公同時官于朝知  
公獨深義不可辭嗚呼公以豪傑之才正大之季歷  
仕四朝懋著勞績眷顧之恩有隆無替英風義氣足  
以廉頑而立懦求之古人蓋愧也顧世之才德節操  
有如公者能凡何人哉公二子長經次綸即求銘者

銘曰：亶克忠才德通敏，出仕明時，持身端謹，擢君近侍，職列禁垣，劾奏嚴密，受知。

帝尊經署大政，殫心制治，榮遷京尹，操法循理，進獻禎瑞，加秩賜金，兩居總憲，刑獄惟矜，郡邑澄清，網羅振肅，藩輔既遷，轉導忠告，志存忠良，行有鯁直，勳烈流聞，千祀弗息，引年上疏，致政榮歸，優游暮景，山谷增輝，同仕四朝，衆稱特達，令名彰，威望日赫，令壽終考，安順榮光於乎克忠，歿也不忘。

南雄府知府劉君言行錄實

楊尚寶 廩

劉實字嘉秀，江西安福人，進士，歷仕宣德、天順間，終南雄知府，卒年六十六。

嘉秀來京師，課績不投，足於達官貴人之門，自陳其才薄，親老乞授教職，以自便，自通判而視教職，其位

之崇卑秩之厚薄固愛然不俟矣乃欲辭坎以居彼  
是豈利於富貴者之所能為哉會有詔旨省滌庶官  
中外執事之臣以冗退者累千百嘉秀自謂必得所  
欲迺復有金華之命豈不以其才足以為治長民非  
典教之職所能任欤今嘉秀辭之既敏朝廷番之益  
固其猶有古之風與嘉秀出判郡事三年不以妻子  
隨不與流輩伍廉介之操綽有聲稱劉球撰贈行序  
君授官金華府通判郡賦以旱歲逋不能完民或鬻  
子女以足數奏寬貸之又贖還其子女督賦至浦江  
其丞王韶君鄉友也具盤饌饗道詣館饋君謝弗  
納坐郡治公務有間輒探案問經史閱之視事乃掩  
卷已則復然郡僚或竊笑之不為改郡中顏孝子宗  
澤呂東萊祠墓沒脩葺却義門合爨世久漸不能



卷已取後照君傳或窮吳之不為君... 澤呂東萊祠墓跋：脩葺耳却義門合爨世久漸不能

自給又買馬出丁供山西驛以君言得免役劉定之撰小傳

南京鄉闈校文給帷幙衾禭遂以為賤曰常然也君却

還之下毋憂廬墓蔬食以終喪擢順天府治中民饋

送鴛不受委而去君縱之門外景泰中召脩宋元史

于東閣筆削任心無所咨承屈遜見所脩不合已意

尖聲徹闕陞問聞者驚愕相戒勿以藁示君擢知南

雄府府為江廣要路商稅鉅萬官于是者鮮不盈饜

推其餘以待過客亦無或歛望君至存稅之一二以

繕郡季補張九齡大庾嶺松而已未數月中貴使嶺

外至南安先遣騎來南雄視供帳不如昔所聞君又

與騎抗禮不假借邑辭騎馳還南安明日從中貴至

入驛與諸眾騎弓劍羅立左右郡僚庭叅畢趨出獨

留君詰以慢已共苛辱之庭中轟然南雄民自驛門

外爭走入為君謝過以身翼蔽遂以君出中貴見君  
得民心徐問知其平素欲召釋前憾君不復往中貴  
去至詔一人為言南雄守驛書言公矣中貴乃亦以  
驛馬兼程疾馳先聞逮君至京入見具言臣從官三  
十年不以妻自隨餐粗衣敝欲為國家愛養所部不  
忍勞費之以是觸忤天使無所逃罪

上霽威聽其言不復更窮治獄事得釋有日矣以病卒  
贊曰予聞安成大夫士云君喜著書尤用意春秋中  
夜有得蹴童子然灯起書之如獲至宝斯可謂暮季  
矣而其所行与古廉吏范丹塵甑何相異季而知行  
之誠難能也然以是律可已爾以是求合於塗之人  
欲与已不齟齬豈可得乎位至郡太守全而歸之其  
託鑑於

聖明為幸已多矣並小傳

惟公躬過人之操履立絕俗之儀矩利誘之而不回  
勢惕之而不沮彭侍郎撰墓銘

南雄知府劉實其廉足尚也名臣贊錄

安慶知府周公行狀濟

李文達公賢

公諱濟字大亨世家洛陽曾大父諱文質大父諱誠  
之俱隱德不仕父諱禮以不羈之才遠涉江湖簡公  
既冠永樂丁亥春自入郡庠為弟子員博學強記因  
讀論語至父母在不遠遊章味定省曠而音問踈之  
語愀然不樂曰父在數千里之外凡呈周矣若之何而  
不往省乎即棄孝徒步以徃再越月抵閩適溝疾已  
危一見公遂愈乃奉以歸復入孝曰方寸定矣於是  
刻苦不知寒暑者累年遂領河南甲午鄉薦赴太孝

李業大進尋歷事烏臺會蟲縣豪民歐人至死賂同行証一老人已問未決公訊其情有疑既二日乃得豪民狀遂出老人監院異之聞於都堂自後獄有疑咸委公無不得其情適有中官陳姓者

宣廟極寵之因有過大怒送院鞫之御史嚴繼先輩莫測上意咸避之公曰何以避為立訊成獄都御史劉覲由坎注意於公會御史缺真以公屬吏部補之公以目疾不就宣德戊辰夏遂除江西都司斷事初獄有輕重惟都指揮是決公曰坎吾職也彼何与焉雖盛怒執愈堅既久服其公反加禮呼為大兄藩臬鉅公由是皆重之癸亥春以父喪去位居家不作佛事一從文公家禮鄉人咎之謙曰僕儒者流安敢從佛因嘆曰昔程子之賢亦不能化况我輩乎服闋調湖廣都

文公家禮人知之說曰作作其子至行不  
曰昔程子之賢亦不能化况我輩乎服闋調湖廣都  
司正統改元秋用當道者薦拜監察御史立朝有蹇  
諤風士大夫為之改觀二年冬鎮大同中官郭姓者  
以豪橫僭度聞於朝廷勅一御史往廉之先往者不得  
其情復以公往乃微行代負芻者入其宅尽得違法  
狀朝廷嘉之明年春御史出巡宣府者以边情劇不  
能处分遂自經欲遣能者咸曰非公不可公既至  
边將為之歛跡边務一清四年夏以母喪还家躬脩  
莹域見良方多磚公曰此必古者不封之墓即掩之  
因增土数尽是夜夢一老人衣冠甚偉揖謝曰感公  
脩吾宅問其名曰乖厓也既覺悟曰乖厓乃張詠之  
號已而考之實塋其地公之誠能感鬼神如此七年  
春服除復受命往巡西蜀威州土官董敏王允讎殺  
累年不辭勢愈大朝廷勅公率方鎮兵数千至其境

公曰朝廷本意欲安之撫之不服然後加兵未晚也  
吾不忍其肝腦塗地乃令人賈榜於各寨宣布朝廷  
恩威且曰從撫者即無罪允讀其榜沉思之書四字  
於榜尾令持還衆不解其意公曰此非誰見囹者誘  
禽鳥之媒也意謂誘而殺之耳復釋此意示以誠信  
允大驚曰非凡御史也即投服以馬數十令子弟入  
貢贖罪敏亦媿服一方遂安朝廷嘉勞之十年秋復  
巡鳳陽逢歲歉民多窘於食公嘆曰此地民飢我飢  
之也輒開倉賑之然後聞於朝有司危之公曰以此  
得罪甘心焉若俟報何帝穿井以沃焦釜民賴全活  
者數十萬竣事會安慶以人民飢食流離聞且報無  
賢守之故於是大臣咸推公十一年夏出守安慶公  
馳至視篆之明日召監郡老父問其故皆流涕曰此

處三歲不熟矣以子女易食滿載而南者無虛日公  
即分命止其舟借漕運糧以濟之子女得存者不下  
萬餘章連懇陳歲荒民流之故復乞停稅朝廷俱從  
之首訪余忠宣公祠已毀矣公嘆曰余公昔鎮安慶  
保孤城於七年之久伏羲死節有功於名教今乃無  
祠非缺典乎遂與僚屬各捐俸立祠民之樂從者甚  
衆俗尚奢親沒不塋者數百家女聘未歸者千餘家  
公乃出令示期違者罰之貧者助之不兩月無苗焉  
閩中寇起天下騷動安慶貧民亦歛乘機乃聚衆強  
取富民粟富民以盜訟於公公曰此非盜也乃貧耳  
即碎其狀曉於貧民曰得其谷者報以數吾代償之  
貧民聞之感愧遂解散暇則集職行錄以驗為政之  
得失擲垢爬痒務蘇其困民賴之如父母焉工部尚

書周公忱巡撫諸郡獨慮安慶歲必數至為綜理自  
公下車之後曰吾無安慶之憂矣在任三年以疾卒  
六縣之民為之罷市巷哭若親喪願扶柩至洛陽者  
數十人視古之循吏亦何愧焉公為人謙恭不立厓  
岸外和內剛事上接下交交無不得其懽心風流醞  
籍善記子籍凡事必究其出處雖隱僻事亦精到喜  
清談遇知己對酒達旦不寐人論文或忽公詰之即  
窮復為開之識量過人能其智真所謂豪傑之士  
也生於洪武丙寅卒於正統己巳壽六十有四配封  
氏子一人端儀用有司奉為陝西狄道縣丞景泰改  
元端儀葬公於印山駱駝峯之陽從先兆也謹狀

河南李君墓表

府知府

驥

楊文貞公士奇

先皇帝臨御宵旰勞勤圖惟安民之道簡求賢俊任

之牧守更宣德五年命監察御史李驥為河南知府



之牧守廼宣德五年命監察御史李驥為河南知府  
賜之璽書命去民所惡而與所欲河南地大務殷  
其民數困於旱澇又歷於親藩之重其嬖近反將校  
恬勢厲民不勝弊李君至辛勤信誥起仆濡稿實  
虛而正綱紀明憲度民始有蘇息意而向之為厲者  
不得縱肆咸不愜志相率暇親藩勢以摧君朝廷聞  
之悉捕假勢者寘諸法君政治益行中貴人過洛陽  
有逼取縣帑白金去者君聞之遣吏馳追索之中貴  
人知君遣追悅首探懷中出以歸之默不敢一語在  
郡具學禮賢均賦役弭盜賊咸盡心焉致勤職事率昧  
爽坐公堂或日中不暇食郡嘗大疫捐俸市藥  
以濟民嘗大旱躬禱嵩嶽雨隨霡霂足所治一州十  
三邑吏憚其情民得其惠鄰郡民有爭訟不平率走



庭下求直為河南六年卒之日其僚屬及民耆老  
哀之如喪親咸右所稱良二千石君其人哉君諱驥  
字尚德生六歲而孤自幼知務孝謹言行見重於師  
友治詩經中山東鄉試為太孝生洪武丙子車駕臨  
太孝親拔生徒十八人為給事中君與為授戶科奏罷  
閔市檢察商稅苛細之弊居無幾坐累免官後用薦  
起知新鄉縣為之有方雖時供意繁而民無憂招徠  
流亡數千戶咸得所丁內艱去民猶數詣上官  
乞奏田君不報服闋改知東安縣招撫流亡如新鄉  
勸課農桑凡民所未便者委奏除之縣多狼嘗噬寡  
婦子寡婦訴於君之反躬自責而白寡婦寃於城隍  
神翌日噬所有狼云廷臣交奏君治行召為刑部浙  
江司郎中議徵平恕嘗上疏言崇教化重農桑育賢

才選守令惜民力恤軍士汰冗官養廉能抑倖進簡  
馬政通鈔法等十四事多見采納在刑部三年又坐  
累謫戍邊

仁廟嗣位下詔求賢近臣奏奉君召為貴州道監察御  
愈益自奮振奉風紀慵慨持論未嘗以計為直常陳  
事務十事皆嘉納之巡歷所至斥姦貪獎賢能人  
用稅服馭下以簡居官稍暇手不釋書冊堂之至廩  
庾率揭銘以自警所用物雖凡杖之微必取正直不  
可以苟在河南於治之後堂植梅竹松恒退食其中  
名堂曰四友其一君自謂也一日宴賓客堂中談笑  
之頃奄卒正統元年六月二十七日也春秋七十其  
先世居青州業儒後徙兗之郟誠曾大父紹宗大父  
輝祖父壽康母朱氏以君貴贈父監察御史母孺人

封妻劉氏孺人子男五長儻長垣縣儒學教諭次傑  
英輔恭孫男二與道與邦士奇與君同朝素熟君德  
善於江陵楊公弘濟江陵公嘗為君著傳至是又道  
儻求為墓文嗟乎李君外嚴重而內明恕處也孝於  
親悖也鄉仕也所歷勞績焯々而冰蘖之操夷險不  
貳嘗自號復一貞士考其平生隱顯窮達履之正執  
之固所云貞者不其然哉故特為之表

浙江





浙江圖書館

浙江圖書館  
藏書  
一九五二年

浙江圖書館  
藏書  
一九五二年



浙江圖書館

本

8

目



浙江圖書館

浙江圖書館善本

甲 登記號： 32608


一九 年 月 日




浙江圖書館



colorchecker CLASSIC










xrite



浙江圖書館

colorchecker CLASSIC



x-rite



浙江圖書館